

詩
經
類
考

詩經類考卷之十二

明武塘沈萬鈞仲容采輯

服飾考

私

傳云私燕服也疏云六服之外唯有纚笄綃衣○士
昏禮注云纚綃他刀切髮笄今時簪也纚亦廣充幅長
六尺宵讀爲綃綃屬也玄衣以綃爲領因以爲名按
左傳裏其相服和音注近身衣也又古雋內相註因

衣

白虎通曰衣者隱也裳者鄣也所以隱形自鄣蔽也

○什器云衣梳謂之視視音倪黼領謂之褹褹音倪緣謂之

純純音穴謂之縗縗音營衣皆謂之襟襟音劫謂之裾裾音衿謂之

袴袴音賤衣蔽前謂之襜襜音世本曰胡曹作衣○什名云

凡服上曰衣衣依也人所依以庇寒暑也○箋云衣

謂禕衣以下至祿祿音彖衣六服○周禮內司服掌王后

之六服禕衣揄狄闕翟鞠衣展衣祿衣素紗也

被

箋云禮記主婦髮髻○說文云髮益髮也○什名云

髮被也髮少者得以被助其髮也○少牢禮云主婦

被錫注云被錫讀爲髮髻第音第古者或剔賤者刑者之

髮以被婦人之紒同髻爲飾因名髮髻焉此周禮所謂

次也○士昏禮云女次純衣纁袿如占反注云次首飾

純衣絲衣○周禮追師掌王后之首服爲副編次注

云副以覆首若今步搖服之以從王祭祀編列髮爲

之若今假紒服之以桑次次第髮長短爲之所謂髮

髻服之以見王外內命婦衣鞠衣禮衣者服編衣祿

衣者服次非王祭祀賓客佐后之禮自於其家則亦

降焉凡諸侯夫人于其國衣服與后同○嚴粲云王

后六服祿衣爲進朝于王之服首則服次夫人于國

與王后服同祭祀不應服次曹氏謂此在商時與周

禮異○名物疏以爲正祭時夫人自應服副不服次服次特在視濯漑饋爨之時也嚴曹之言非

裘

說文曰裘皮衣也禽獸衆多獨以狐羔取其輕煖且狐死首丘明君子不忘本也羔取其跪乳遜順也○五經要義云古者著裘于內而以繒衣覆之乃加以朝服會之時袒其朝服見裘裏覆衣謂之裼裼之言露可見之詞所以示美呈好而爲飾加以朝服謂之裘袒謂之裼大裘不裼反本取其質也○禮記曰孟冬之月天子始裘○周官曰司裘掌爲大裘以供王

祀天之服仲秋獻良裘乃行羽物季秋獻功裘以待
頒賜○五經要義曰諸侯黼裘以誓田雜羔狐爲黼
文也○禮記曰惟君黼裘以誓省當作大裘非古也
君衣狐白裘錦衣以裼之君之右虎裘厥左狼裘士
不衣狐白君子狐青裘豹裘玄緇衣以裼之麕裘青
紕裘絞衣以裼之羔裘豹飾緇衣以裼之狐裘黃衣
以裼之錦衣狐裘諸侯之服也犬羊之裘不裼不文
飾也不裼裘之裼也見美也服之襲也克美也甲則
襲不盡飾也君在則裼盡飾也是故尸襲執玉龜襲
無事則裼弗敢克也童子不裘不帛禮不盛服不克

言新類卷之五 月食卷之五
故大裘不裼○白虎通云裘所以佐女工助溫也○
名物疏云按狐裘有三錦衣狐裘天子之朝服諸侯
于天子之朝天子卿大夫及諸侯卿大夫在天子之
朝亦得服之黃衣狐裘蜡祭後臘先祖之服毛注狐
裘云大夫狐蒼裘蒼青同色所謂君子狐青裘豹袖
玄綃衣以裼之者也鄭注云君子大夫士也綃綺屬
染之以玄於狐青裘相宜狐青裘蓋玄衣之裘皇氏
云玄衣謂玄端也狐青裘所施禮無明說皇氏以爲
畿內諸侯朝服用緇衣畿外用玄衣無所援據鄭注
周禮云功裘人功微麤謂狐青麤裘之屬○鄭司農

云功裘卿大夫所服則二鄭之意皆不以狐青爲諸侯之朝服在朝君臣同服卿大夫可推○論語云狐貉之厚以居蓋狐善疑貉善睡疑斯戒睡斯安燕息者之事也狐青裘必卿大夫之燕服矣都人士狐裘黃黃則庶人亦服黃狐裘先儒以爲不楊又春秋之戎服亦以狐裘左傳臧之狐敗我于狐駘是也

副

釋名云王后首飾曰副副覆也以覆首亦言副貳也兼用衆物成其飾也○天官追師掌王后之首服副編次注副之言覆所以覆首爲之飾其遺象若今之

步搖矣服之以從王祭祀○毛傳云編髮爲之○祭
統云君純冕立于阼夫人副褱立于東戶○廣雅云
假結謂之髻敷救反○名物疏案續漢書輿服志云皇
后入廟步搖以黃金爲山題貫白珠桂枝相糾八爵
九華熊虎之能天鹿辟邪鄭氏所見之步搖其制蓋
如此○宋玉諷賦云主人之女垂珠步搖則步搖亦
古矣鄭氏之說雖未必信然要非編髮爲之若編髮
則是編矣

笄

釋名云笄係也所以係冠使不墜也○三禮圖云笄

笄也士以骨大夫以象○士冠禮皮弁爵弁笄同篋
○周禮弁師掌王之五冕玉笄諸侯之緹旂九就玉
笄○追師掌追衡笄○鄭司農云衡維持冠者○春
秋傳曰衡紃紃紃後鄭云王后之衡笄皆以玉爲之
惟祭服有衡垂于副之兩旁當耳其下以紃懸瑱笄
卷髮者○曲禮云女嫁笄而字內則云女子十有五
而笄二十而嫁雜記女雖未許嫁二十而笄禮之婦
人執其禮燕則髻首○名物疏云案笄今之簪也男
子冕弁冠皆得施之婦人五笄則亦常飾耳惟玉
笄爲后夫人祭服之盛祭統副禕則以配禕衣此

詩其之翟也則以配揄闕二翟命婦服鞠衣展

衣祿衣者俱不得用喪服傳云吉筭行亦筭也則卿

大夫士及其妻或皆用象與若桑筭箭筭榛筭則喪

服所用或當無貴賤一也此詩毛傳云筭衡筭蓋聯

引追師追衡筭之文以見筭之爲玉也衡筭二物衡

垂于當耳筭橫于頭上朱傳誤以衡筭爲一云筭垂

於副之兩旁當耳其下以紃懸瑱此乃什衡非什

珈

箋云珈之言加也如今步搖上飾古制所有未聞疏

云六珈飾之有六○說文云婦人首飾從玉珈聲

翟

傳云褕翟闕翟羽飾衣也○笈云侯伯夫人之服自褕翟以下如王后○王藻云王后褙衣夫人褕翟君命闕翟再命鞠衣一命禮衣士祿衣○崔靈恩云王后三翟數皆十二王者之後諸侯夫人三公而下夫人如命數翟雉名王后之服刻繒爲之形而采畫之綴于衣以爲文章褙衣畫翬者也按五采成章曰翬○三禮圖云褙衣服者后從王祭祀先王之服也褕翟后從王祭先公服也刻青翟形采畫雉綴于衣是也闕翟闕而不畫后祭群小祀服也刻赤繒爲翟形

而衣不采畫綴于衣也鞠衣后親桑之服色象桑始
生也展衣后以禮見王及賓客之服卿大夫之妻服
以助君祭也黼衣后御于王之服○名物疏按翟毛
氏謂羽飾衣鄭謂刻繒采畫不用真羽六服之色毛
云展用丹縠孫毓推之以爲禕衣赤綸翟青闕翟黑
鞠衣黃展衣赤祿衣黑鄭賈之徒則云祿衣黑展衣
白鞠衣黃闕翟赤綸翟青禕衣玄古制無稽各以意
爲說不足多辨

耳

云充耳謂之瑱天子玉瑱諸侯以石○箋云

所以懸瑱者或名爲統織之人君五色臣則三色而已○禮緯云旒垂目纁塞耳示不聽讒不視非禮○羅氏云瑱以玉爲之以纁縛之而屬于統懸之當耳統織如條上屬于衡○名物疏按弁師云諸侯玉瑱鄭注冬官玉人云公侯四玉一石伯子男三玉二石則諸侯得用玉毛云諸侯以石蓋失之白公子張曰巴浦之犀兕兕象其可盡乎其又以規爲瑱也依此文是四獸之牙角可以爲瑱矣檀弓云練角瑱所以垂充耳者謂之統魯語王后織玄統夫人加紃紃內子爲大帶命婦成祭服烈士之妻加之以朝服則自

夫人至士妻特有所加而已按士喪禮曰緇用白緇
又東方朔傳曰黠續塞耳則人君與士之續有黃與
白之別而已其統五色三色之辨未詳聞也

弁

儀禮注云弁名出于繫繫大也言所以自光大也○
白虎通曰弁之爲言樊持髮也○什名曰弁如兩手
相合扑音奮時也以爵韋爲之謂之爵弁以鹿皮爲之
謂之皮弁以韎韋爲之爲韋弁○周禮弁師職掌王
之皮弁會五采玉璫象邸王笄注鄭司農云會以五
采束髮也玄謂會縫中也璫讀如基基結也皮弁之

縫中每結五采玉十二以爲飾謂之綦此天子飾也
邸下柢也以象爲之侯伯璫飾七子男五玉以三采
大夫四玉二采按魏臺訪議曰五采玉一玉有五色
者也邸以象骨周緣弁下根柢如魏武所作弁柢也
凡有笄無纓○曹褒云天子弁以白玉飾○家語云
諸侯以皮弁告朔于太廟○舊禮圖云皮弁以鹿皮
淺毛黃白者爲之高尺二寸○左傳劉定公館趙文
子於洛汭曰美哉禹功明德遠矣微禹吾其魚乎吾
與子弁冕端委以治民臨諸侯禹之力也○周禮司
服職眡朝皮弁服鄭注云眡朝內外朝之事又云凡

兵事韋弁服鄭注云以韎韐爲弁又以爲衣裳也凶
事服弁服鄭注云服弁卒冠也其服斬衰齊衰弔事
弁經服鄭注云弁經者如爵弁而素加環經也○後
漢輿服志委貌冠皮弁冠同制長七寸高四寸制如
覆杯前高廣後卑銳所謂夏之母音育追音堆殷之章甫
者也委貌以阜綰爲之皮弁以鹿皮爲之○三禮圖
曰爵弁士助君祭之服以祭其廟無旒○禮書云記
曰三王共皮弁素積語曰素衣麕裘則素衣其衣也
素積其裳也士冠禮皮弁素積緇帶禮記雜帶君朱
綠大夫玄華士緇辟則士與君大夫皮弁之帶異矣

士冠禮皮弁笄爵弁笄緇組紘纁遵弁師王朱紘禮
記諸侯青紘則士與天子諸侯皮弁之紘亦異矣蓋
皮弁天子以視朝以宴以聽祭報以舞大夏諸侯以
聽朔以巡牲以卜夫人世婦以迎王之郊勞以待聘
賓卿大夫以王命勞侯氏以聘于鄰國以卜宅士以
冠學士以釋菜凡大夫士之朔月皆皮弁服則皮弁
之所施者衆矣蓋人爲者多變自然者不易皮弁亦
因其自然者而已此所以三王共皮弁素積而周天
子至士共用之也然衾服小記諸侯弔必皮弁錫衰
郊特牲大蜡皮弁素服葛帶榛杖以送終則弁雖與

吉禮同而服與吉服不同

韋弁爵弁

士冠禮爵弁服纁裳純衣緇帶韎韐皮弁服素積纁帶素鞶注爵弁服此與君祭之服爵弁者冕之次其色赤而微黑如爵頭然或謂之緌其布三十升純衣絲衣也餘衣皆用布惟冕與爵弁服用絲耳皮弁服此與君視朔之服也以白鹿皮爲冠以素爲裳辟廕其要巾衣用布亦十五升其色象焉○後漢輿服志云爵弁一名冕廣八寸長尺二寸如爵形前小後大繒其上似爵頭色有収持筭所謂夏収殷嘒者也○

禮書云周禮有韋弁無爵弁書與冠禮禮記有爵弁
無韋弁士之服止于爵弁而荀卿曰士韋弁按孔安
國曰爵韋弁也而劉熙什名亦曰以爵韋爲之謂之
韋弁則爵弁卽韋弁耳觀弁師司服韋弁先于皮弁
書爵弁先于綦弁注孔安國曰綦弁皮弁也士冠禮
次加皮弁三加爵弁而以爵弁爲尊聘禮主鄉贊禮
服皮弁及歸饗餼服韋弁而以韋爲敬則皮弁之上
非韋弁則爵弁耳此所以疑其爲一物也士冠禮爵
弁服昏禮主人爵弁纁裳緇旒天子哭諸侯爵
弁紒音緇衣書二人爵弁執惠雜記服諸侯爵弁服子

羔之襲爵弁一霧廟祝宗人宰夫雍人皆爵弁純衣
則爵弁雖士之祭服而天子諸侯大夫皆服之鄭氏
謂冕之次制如冕但無纁耳其布三十升然古文弁
象形則其制上銳若合手然非如冕也韋其質也爵
其色也笄紘玉飾各以其等爲之如皮弁制○名物
疏按陳氏疑爵弁爲韋弁其說或是也韋弁有二兵
事之韋弁服以韎韐爲弁又以爲衣裳聘禮卿歸饗
餼之韋弁服韎布爲衣而素裳然則與士爵弁纁裳
純衣異矣豈卿大夫士之爵弁服殊其衣裳不若皮
弁服之其素衣素積與抑爵韋固非一物也

錦衣

箋云國君夫人翟衣而嫁今衣錦者在塗之所服○
什名云錦金也作用功重其價如金故制字帛與金
也○王制云錦衣珠玉成器不鬻于市○玉藻云君
衣狐白裘錦衣以裼之○潛夫論云濯錦以魚

褰衣

玉藻云禪爲褰注有衣裳而無裏○方言云禪衣江
淮南楚之間謂之襍音廉關之東西謂之禪衣○丰箋
云褰蓋以禪縠爲之中衣裳用錦而上加禪縠爲其
文之太著也庶人之妻嫁服之士妻紵音紵衣纁音纁禕音纁

○名物疏按說文裝絲也詩曰衣錦裝衣絲某屬高
四五尺或七八尺葉似芋而薄實如大麻子今人績
以爲布及造繩索者也與禪衣之解不同

珮

左傳云珮褱之旗也○說文曰佩從人凡聲珮必有
巾帟○白虎通云所以必有佩者表意見所能故修
道無窮卽珮環能本道德卽珮琕能決嫌疑卽珮玦
是以見其所佩卽知其能若農夫佩其耒耜工匠佩
其斧婦人佩其鍼縷也○釋名曰佩倍也言其非一
物有倍貳也有珠有玉有容刀有帨巾有觿佩之屬

也○蔡謨毛詩疑字議曰以爲佩者服用之稱珮者
玉器之名稱其服用則字從人名其器則字從玉○
魚豢魏略曰有雙璜雙珩琚瑀衡牙玼珠爲珮者○
三禮圖曰凡玉珮上有雙衡衡長五寸博一寸下有
雙璜璜徑三寸衡牙璫珠以納其間上下爲衡半璧
爲璜璜中橫以衡牙以蒼珠爲瑀○孔穎達云珮玉
上繫于衡下垂三道穿以璫珠前後下端垂以璜中
央下端垂以衡牙○禮書云衡以平其心璜以中其
德琚欲其有所安牙欲其有所制佩奚適而非道耶
○禮記曰天子珮白玉而玄組綬公侯珮山玄玉而

朱組綬大夫珮水蒼玉而純組綬世子珮瑜玉而綦組綬士珮璫玟而緼組綬又曰君在珮玉左結珮右設珮居則設珮朝則結珮齊則綰結珮而爵韞綰音平屈也爵韞齊服玄端凡帶必設珮玉惟喪否珮玉有衝牙君子

無故玉不去身君子于玉比德焉又曰古之君子必珮玉右徵角左宮羽趨以采齊行以肆夏周旋中規折旋中矩進則揖之退則揚之然後玉鏘鳴也故君子在車則聞鸞和之音行則鳴珮玉是以非辟之心無自入也又曰主佩倚則臣佩垂主佩垂則臣佩妥○鞞鞞佩璲璲瑞玉也以瑞玉而爲珮也○曲禮云子

事父母左右佩用左珮紛紛說刀礪小觸金燧右珮玦
捍管管遘大觸木燧及礪管筆也也小觸解小結也刀礪小刀
取火于日也捍拾也管筆也也也遘音遊婦事舅姑左佩紛紛
說刀礪也木燧鑽火也遘音遊婦事舅姑左佩紛紛
刀礪小觸金燧右佩箴管線續施繁褰大觸木燧男
女未冠笄者皆被容臭古有德佩事佩德佩玉也事
佩則左右所佩諸物也左佩五右佩六陰陽奇偶之
義也

帶

什名云帶帶也著於衣如物之繫帶也○大戴禮云
黃帝黼黻衣大帶○晉語云內子爲大帶○禮記云

子事父母鞞紳緇笏婦事舅姑笄總衣紳○又云天

子素帶朱裏終辟注辟讀如禪以緇緇飾其側也而素帶終辟注謂

不朱裏合素為大夫素帶辟垂禪其紐及末士練帶率音

下辟率絳也士以下皆禪不居士錦帶弟子縞帶并

紐約用組三寸組之廣紐長齊于帶紳長制士三尺有

司二尺有五寸有司府史之屬子游曰參分帶下紳居一焉

紳鞞結三齊革帶博二寸凡珮繫于革帶大夫大帶四寸雜

帶雜猶飾也君朱綠以上以朱下大夫玄華華黃色大夫禪垂內

以玄外士緇辟二寸再縹四寸士禪垂之下外內皆

皆廣四寸士以下凡帶有率無箴功凡帶有司之帶

廣二寸再縹之

之
○名物疏按古者帶有二左傳帶裳幅舄之帶革帶也又云鞶厲游纓鞶大帶也革帶用以繫佩鞅然後加以大帶笏摺于二帶之間天子至士大帶皆合帛爲之或以素或以練其裨飾亦別蓋朱正陽之色綠少陽之雜天子諸侯體陽而兼乎下故裨以朱綠玄與緇者陰之體華者文之成大夫體陰而有文故飾以玄華士則體陰飾以緇而已於大夫言帶四寸於士言紳三尺則推而上可知故此篇箋云垂紳帶三尺

琚

纂要云琚瑀所以納間在玉之間今白珠也○羅中行云琚處佩之中所以貫璫珠而上繫于珩下維璫衝牙者也○朱氏云琚如圭而正方在珩璫之中瑀如大珠在中央之中○錢氏云珩王之雙璫上繫于珩又有組以左右交牽之使得因珩之抑揚以自相衝擊于兩組相交之處以物居其間交納而拘捍之故謂之琚或以大珠或雜用瑀石詩言琚言瓊則佩之美者也

毳衣

周禮司服云王之吉服祀四望山川則毳冕子男之

服自毳冕而下鄭注云毳畫虎雖謂宗彝也其衣三

章裳二章凡五

衣三章宗彝也藻也皆繪粉米亦刺繡裳二章黼也黻也皆繡

子男

毳冕朝聘天子及助祭之服諸侯非二王後皆玄冕

而祭于已○什名云毳芮也畫藻文于衣象水草之

毳芮溫煖而潔也○三禮圖云毳冕子男服以朝天

子○名物疏案毳冕子男朝聘天子之服此大夫四

命其出封五命或本諸侯子男入爲大夫其得服毳

衣固也但非聽訟之服說文引此詩毳衣如葢葢作

綢

吐飯反

云帛離色也如璊璊作璊云以毳爲綢

音色記

如縠故謂之縠縠禾之赤苗也其解縠云西胡縠布

解毳云獸細毛豈以毳布爲衣其青者如騅帛赤者如禾之赤苗乎若然則與毳冕名同實異或云蓑玄色言其衣如之璫纁色言其裳如之玄衣纁裳所謂大夫玄冕也上大夫卿故得服毳衣然玄冕亦所以朝聘王之大夫其祭于已卽用爵弁不服玄冕况聽訟乎宗彝鄭以爲虎雖○孔氏書傳云宗廟彝樽以山龍華虫爲飾古禮湮亡未知誰得其正

緇衣

什名云緇滓也泥之黑者曰滓此色然也○考工記云三入爲纁五入爲緇七入爲緇注染纁者三入而

成又再染以黑則爲緇又復再染以黑乃成緇矣○
論語疏云案玉藻諸侯朝服以日視朝于內朝士冠
禮云主人玄冠朝服緇帶素鞶注云玄冠委貌朝服
者十五升布衣而素裳不言色者衣與冠同色是朝
衣色玄玄卽緇色之小別故知緇衣羔裘是諸侯君
臣日視朝之服也

巾

說文云佩巾也從巾莫狄反一音象系也○方言云幪
巾也大巾謂之帟音嵩岳之南陳頴之間謂之帟音
亦謂之幪○名物疏按禮記左佩紛音紛音紛音印音

也此巾宜爲佩巾或以爲婦人裹頭之巾未詳與據然古者男子二十成人士冠庶人巾蓋賤者之服漢元服幘王莽無髮乃施巾故語云王莽禿幘施屋也至東漢魏晉更以巾爲雅索紹崔鈞之徒雖爲將帥皆着縑巾及有所謂繪巾葛巾角巾者而女子裹冠亦謂之巾幘諸葛以貽司馬意者婦人裹頭者可通名巾與楊用修以巾幘爲女子未笄之冠又未知何據也

屨

禮記云坐而遷屨俯而納屨坐左納右坐右納左

三禮圖云複下曰舄單下曰屨其色各隨裳色夏用葛冬用皮○方言曰絛作謂之屨麻作謂之不借○李尤文屨銘曰乃制茲屨文質斌斌允顯明哲卑以牧身步此坦道絕彼埃塵○崔寔四民月令云八月制絛屨十月作帛屨○鹽鐵論曰古者庶人麤屨草履縮絛尚絛而已及其後則綦下不借鞞鞞革舄今富者革中名工輕靡使容統褻紉下越端縱緣中者鄧里作蒯苴秦堅婢妾韋沓絛屨

冠

釋名曰冠貫也所以貫髮也○白虎通云所以有

冠者幘也所以幘持其髮也人懷五常莫不貴聰樂成禮有飾文章故制冠以飾首別成人也○禮記云縞冠玄武子姓之冠也縞冠素紕既祥之冠也玄冠縞武不齒之服也又云玄冠朱組纓天子之冠也緇布冠纁纁諸侯之冠也玄冠丹組纓諸侯之齊冠也玄冠綦組纓士之齊冠也○春秋繁露曰冠之在首玄武之象也玄武貌之最嚴威者在後反居首者武至而不用者矣○春秋合誠圖曰黃帝冠黃文白帝冠白文黑帝冠黑文○晉傳玄冠銘曰居高無忘危在上無忘敬懼則安敬則正

素衣

詩緝云素絲也以素爲衣者謂中衣也○鄭深衣目錄云深衣連衣裳而純之以采者素純曰長衣有表則謂之中衣大夫以上祭服之中衣用素士祭以朝服中衣以布○王藻云深衣袂可以回肘長中繼拊尺鄭注云其爲長衣中衣繼袂掩一尺若今褻矣又云以帛褻布非禮也注中外宜相稱也冕服絲衣也中衣用素皮弁服朝服玄端麻衣也中衣用布○詩正義云崔靈恩等以天子諸侯朝祭之服先著明衣又加中衣又加裘裘外又有裼衣裼之上乃加朝祭

之服其二劉等則以玉藻云君衣狐白裘錦衣以裼之又云以帛裹布非禮也鄭注云冕服中衣用素朝服中衣用布若皮弁服之下卽以錦衣爲裼便是以帛裹布故知中衣在裼衣之上明矣○禮書云深衣與中衣同制異飾連裳方袷直繩旁袷以至裳十二幅要三袷縫齊倍要之類此其所同也深衣之純以采若素長衣之純素而已中衣之飾繡黼丹朱而與長衣又繼掩尺焉所謂掩尺者幅廣二尺二寸以半幅繼袂之末掩余一尺長衣之掩以布中衣掩或素或布各象其衣然也若深衣則緣而已此其所異也

朱褌

傳云褌領也諸侯繡黼丹朱中衣○箋云繡當爲綃中衣以綃黼爲領丹朱爲純也○什器云黼領謂之褌○孫炎曰繡刺黼文以褌領○郊特牲云繡黼丹朱中衣大夫之僭禮也○詩緝云中衣者朝服祭服之裏衣也朱朱緣也謂染繒爲赤色爲中衣之緣也褌領也謂繡黼領也繡刺白黑文以褌領也此以素爲衣謂冕服爵弁之中衣公之孫及天子大夫四命皆爵弁自祭士助祭于君亦服爵弁以上則中衣亦用素但不得用朱褌也○禮記疏云素衣朱褌國君

之禮大夫士不用綃黼丹衣但用采純而已

七衣

周禮大行人云諸侯之禮冕服七章○讀詩記云周禮注驚冕七章衣三章一曰華重畫以雉即驚也二曰火三曰宗彝皆畫爲績裳四章一曰藻二曰粉米三曰黼四曰黻皆絺以爲繡

六衣

周禮云王之三公八命其卿六命其國家宮室車旗衣服禮儀亦如之○孔仲達云衣服指謂冠弁也飾則六玉冠則六辟積○名物疏按周禮典命八命之

公六命之卿四命之大夫衣服如其命數而司服公衮冕九章侯伯鷩冕七章子男毳冕五章孤希冕三章卿大夫玄冕一章其八章六章四章二章之衣未聞其制故此詩豈曰無衣六兮鄭朱俱言六命之服不云六章也其典命所云衣服亦如之者終不可解求其說而不得則有賈公彥大章小章之說然亦不知小章如何而別也夏官射人云三公執璧與子男同則其服亦毳冕矣差而次之則孤卿希冕大夫玄冕希冕之服刺粉米于衣黼黻于裳但三章耳然諸侯之孤卿大夫其朝聘天子及助祭得服希冕玄冕

王臣與陪臣不應同服○王荊公云六者子男之服也子男之服以五爲節而曰六者天子之卿六命與子男同服故也若然則八命之三公服侯伯之服矣及其出封也皆加一等則三公卽得九章卿卽得七章于理亦可通而未詳所出當是荊公臆見耳

錦衣狐裘

王藻云君衣狐白裘錦衣以裼之○鄭氏云君衣狐白毛之裘則以素錦爲衣覆之使可裼也袒而有衣曰裼必覆之者裘褻也詩云衣錦綢衣然則錦衣復有上衣明矣天子狐白之上衣皮弁服與凡裼衣象

裘色也疏云天子視朝服皮弁服有狐白錦衣諸侯
於天子之朝亦然凡在朝君臣同服諸侯朝天子受
皮弁之裼歸來嚮國則亦錦衣狐裘以告廟則秦詩
云君子至止錦衣狐裘是也又云士不衣狐白又云
錦衣狐裘諸侯之服也注云非諸侯則不用錦衣爲
裼○孔氏云諸侯在國視朔及受鄰國之聘其皮弁
服皆服麕裘不服狐白諸侯在天子之朝廷服此服
耳受天子之賜歸則服之以告廟於後不復服之○
名物疏案古人之裘最重狐白天下無粹白之狐而
有粹白之裘則狐白之難得可知矣昔村以狐白兔

西伯田子方以狐白禮子思田文以狐白脫秦難其
貴之如此故天子以爲朝服諸侯以爲賜服凡在朝
君臣同服而惟卿大夫得衣之又別其裼衣天子諸
侯以錦卿大夫以素蓋禮服之重者也陳氏祥道以
爲燕服其說亦是而戾於先儒今且依先儒之說

黻衣

考工記云黑與青謂之黻○孔安國尚書傳云黻爲
兩已相背○疏云鄭周禮注差次章色黻皆在裳言
黻衣者衣大名與繡裳異其文耳○禮書云黻色青
黑天下之理歸于所斷成于所辨故服章以黻終焉

袍

什名云袍丈夫著下至跗者也袍苞也苞內衣也○
玉藻云續爲繭緼爲袍注云衣有著之異名也續謂
今之新綿也緼謂今縵及舊絮也疏好者爲綿惡者
爲絮

澤

說文作釋釋袴也○箋云釋褻衣近污垢○釋名云
汗衣近身受污垢之衣也詩謂之澤受汗澤也或曰
鄙袒或曰羞袒作之用六尺裁足覆胸背言羞鄙于
袒而用此耳

狐裘

箋云大蜡而息民則有黃衣狐裘今以祭服朝○王藻云狐裘黃衣以謁之注云黃衣大蜡時臘先祖之服○郊特牲云黃衣黃冠而祭息田夫也注云祭謂既蜡臘先祖五祀也於是勞農以休息之○詩正義云人君以歲事成熟搜索群神而報祭之謂之大蜡又臘祭先祖五祀因令民得大飲農事休息謂之息民於大蜡之後作息民之祭時有黃衣狐裘大蜡則皮弁素服二者不同以其事相次故連言之○蘇子由云錦衣狐裘其所以朝天子之服

素冠

傳云素冠練冠也○李氏曰毛以素冠爲練冠謂練布使熟其色益白是以謂之素三年之喪十有三月而練○雜記曰喪冠條屬以別吉凶三年之練冠亦條屬右縫小功以下左總冠縹纓大白之冠緇布之冠皆不蕤委武玄縞而後蕤○禮書云喪禮成服布冠小祥練布冠布冠春秋傳所謂大白之冠也條屬不委武不蕤○箋云喪禮旣祥祭而縞祭素紕○王藻云縞冠素紕旣祥之冠也注紕緣邊也已祥祭而服之疏云身皆縞但以素緣耳縞是生絹而近吉○

間傳云又期而大祥素縞麻衣疏云二十五月大祥
此日首服素冠以縞紕之身著朝服而爲大祥之祭
祭訖之後哀情未除反服微鹵之服首服縞冠以素
紕之身著十五升布深衣未有采緣○禮書云縞冠
素紕其制厭無綏○名物疏案孔氏引間傳注云黑
經白緯曰縞朱子從之今考間傳注黑經白緯曰縵
豈今禮記本誤乎抑孔氏誤也

素衣

毛云素冠故素衣疏云謂旣練之後服此白布喪服
○箋云除成喪者其祭也朝服縞冠朝服緇衣素裳

此言素衣者謂素裳也○雜記云祥主人之祭也於夕
爲期朝服祥因其故服注云喪服小記曰除成喪者
其祭朝服縞冠是也祭猶縞冠未純吉也旣祭乃服
大祥素縞麻衣○名物疏案朱子從鄭說以素冠爲
旣祥冠則其所謂素者乃是白絹非白布也而注素
衣又從毛說云素冠則素衣使朱子之意謂素衣爲
布則與縞冠素紕之冠不相蒙使謂爲絹則旣祥之
後無服絹之理鹵莽甚矣此素衣服之於祥祭之日
若旣祥之後則服十五升布之深衣以寄其余哀不
服素衣矣又過二月而禫祭則玄冠朝服禫祭訖首

著織冠身著素端黃裳以至吉祭○禮記大全云從
祥至吉凡服有六祥祭朝服縞冠一也祥訖素縞麻
衣二也禫祭玄冠黃裳三也禫訖朝服褱冠四也踰
月吉祭玄冠朝服五也既祭玄端而居六也

黑經自
緯曰褱

素鞞

疏云祥祭朝服素鞞○名物疏案素鞞亦祥祭之日
所服若既祥鞞之後則素縞麻衣不服鞞矣○釋名
云鞞蔽也所以蔽膝前也○采菽箋云芾太古菽膝
之象也冕服謂之芾其他服謂之鞞以韋爲之○乾
鑒度云天子之朝朱芾諸侯之朝赤芾注云古者田

魚而食因衣其皮先知蔽前後知蔽後後王易之以布帛而獨存其蔽前者重古道而不忘本也○白虎通曰紼者蔽也行以蔽前紼蔽者小有事因以別尊卑彰有德也以韋爲之者反古不忘本也上廣一尺下廣二尺天一地二也長三尺法天地人也○禮記云韠君朱大夫素士爵韋圍殺直天子直公侯前後方大夫前方後挫角士前後正韠下廣二尺上廣一尺長三尺其頸五寸肩革帶博二寸又云一命緝韠再命赤韠三命赤韠又云齊則綰結佩而赤韠又云有虞氏服韠夏后氏山黻火周龍章又云韠會去上

五寸紕以爵帟六寸不至下五寸純以素紕以五采
○士冠禮爵弁服韎韐皮弁服素鞞玄端爵鞞特牲
饋食其服皆朝服玄端緇鞞唯尸祝佐食玄端爵鞞
○左傳云衮冕黻珽昭其度也○斯干傳云天子純
朱諸侯黃朱○東漢志云佩所以章德服之表也鞞
所以執事禮之共也○春秋繁露云鞞之在前朱鳥
之象也○名物疏案鞞卽黻也黻字或作帶或作紕
或作紕士之組鞞又稱韎韐鄭氏云冕服謂之帶其
他謂之鞞然禮惟言鞞之制而已更不指帶知帶卽
鞞耳一命之士服爵弁亦得稱組紕紕豈以冕服他服

爲間乎鄭氏又云韍舜始作之以尊祭服○賈公彥云祭服謂之韍其他服謂之鞞然方叔南征車攻諸侯之會同采菽諸侯之交接云朱芾赤芾則非獨祭服名韍矣韍之飾依鄭氏明堂位注天子備山火龍章諸侯火而下卿大夫山士黼黻而已以禮推之周多以近世之禮待貴者遠世之禮待卑者鄭說或是也其玄端服之鞞加飾亦同惟士無飾故謂之黼黻乃左傳疏謂鞞以色別韍加文飾者非也先儒惟不知鞞韍之本同直所從言之異耳以致紛紛如此○禮明堂位云有虞氏服韍夏后氏山殷火周龍章鄭

注云韞冕服之鞞也舜始作之以尊祭服禹湯至周增以畫文後王彌飾也○五經要義云鞞者舜之所制也○疏曰鞞長三尺以象三才頸五寸以象五行下廣二尺象地也上廣一尺象天也○衣之上鞞猶尊上玄酒俎上生魚也喪無用鞞他無經見

麻衣

箋云麻衣深衣諸侯之朝朝服朝夕則深衣○疏云諸侯夕服當用十五升布深衣而純以采○玉藻云諸侯夕深衣祭牢肉深衣三祛縫齊倍要衽當旁袂可以回肘長中繼揜尺袷二寸祛尺二寸緣廣寸半

○深衣云古者深衣短毋見膚長毋被土續衽鉤邊
要縫半下袼音各之高下可以運肘袂之長短反詘之
及肘帶下毋厭髀上毋厭脅當無骨者制十有二幅
以應十有二月袂圓以應規曲袷如矩以應方負繩
及踝以應直下齊如權衡以應平故先王貴之可以
爲文可以爲武可以擯相可以治軍旅完且弗費善
衣之次也具父母大父母衣純以續具父母衣純以
青如孤子衣純以素純袂緣純邊廣各寸半○禮書
云虞夏商周養老皆以燕服又周大夫士之於私朝
朝玄端夕深衣庶人吉服深衣而已則深衣在虞爲

燕服在周以爲夕與喪服大夫士庶人皆服焉所以異于餘服者餘服上衣下裳深衣則衣裳連矣餘服幅前三後四深衣則十二幅矣餘服三分帶下紳居二焉由帶以下四尺五寸深衣之帶則當無骨者矣○名物疏云按鄭云深衣者用十五升布鍛濯灰治純之以采然則喪服麻衣雖似深衣之制不必鍛濯灰治以其雜凶故也惟其鍛濯灰治故得色白如雪此詩云麻衣如雪知是深衣

騏弁

尚書顧命云四人騏弁執戈注云青黑曰騏孔安國

本作綦注云綦文鹿子皮弁王肅云綦赤黑色○孔
疏云馬之青黑色者謂之騏此字從馬則謂弁色如
騏馬之文○禮書云綦者陰陽之雜故禮以綦組纓
爲士之齊冠綦組綬爲世子佩詩以綦巾爲女巾皆
其未成德者之服也則士弁以綦宜矣弁師言卿大
夫之冕弁各以其等爲之則士弁無玉飾康成讀玉
璫爲綦以綦爲結是臆說也

裳衣

箋云裳衣謂兵服也○周禮司服云凡兵事韋弁服
注韋弁以韎韋爲弁又以爲衣裳○春秋傳曰晉郤

克衣韎韁之跗注是也今時五伯緹衣古兵服之遺色○雜問志云韎韁之罽注不讀如幅注屬也幅有屬者以淺赤韁爲弁又以爲衣而素裳白舄也○賈公解云鄭君好解此注裳亦用韎韁至彼雜問志裳用素者從白舄之義○左傳左服振振戎服上下同服疏云在兵之服皆韁弁

綱

爾雅云婦人之褱謂之褱褱綏也○孫炎曰褱幌巾也○郭璞曰卽今之香纓也褱邪交絡帶繫於體因名爲褱綏繫也此女子旣嫁之所著示繫屬于人義

見禮記詩云親結其褙謂母送女重結其所繫著以
申戒之說者以褙爲帨巾失之○韓詩注云褙帶也
○孔疏云按昏禮言結帨此言結褙則褙當是帨非
香纓○廣雅云大巾褙○昏禮記曰父送女命之曰
戒之敬之夙夜無違母施衿結帨曰勉之敬之夙夜
毋違宮事庶母及門內施鞶申之以父母之命命之
曰敬恭聽宗爾父母之言夙夜無愆視諸衿鞶

衾衣

尚書云予欲觀古人之象日月星辰山龍華虫作會
宗彝藻火粉米黼黻絺繡以五采彰施于五色作服

○孔安國曰日月星爲三辰華象章華虫雉也畫三辰山龍華虫于衣服旌旗會五采也以五采成此畫宗廟彝樽亦以山龍華虫爲飾藻水草有文者火爲火字粉若粟米米若聚米黼若斧形黻爲兩已相背葛之精者曰絺五色備曰繡天子服日月而下諸侯自龍衮而下至黼黻士服藻火大夫加粉米上得兼下下不得僭上○周禮司服王之吉服享先王則衮冕享先公饗射則鷩冕祀四望山川則毳冕祭社稷五祀則希冕祭群小祀則玄冕公之服自衮冕而下如王之服侯伯之服自鷩冕而下如公之服子男之

服自毳冕而下如侯伯之服孤之服自希冕而下如
子男之服卿大夫之服自玄冕而下如孤之服注衮
卷龍衣也古天子冕服十二章至周以日月星辰畫
于旌旗而冕服九章登龍于山登火于宗彝尊其神
明也九章一龍二山三華虫四火五宗彝皆畫以爲
繪六藻七粉米八黼九黻皆紵以爲纁衮之衣五章
裳四章凡九也鷩畫以雉謂華虫也其衣三章裳四
章凡七毳畫虎雖謂宗彝也其衣三章裳二章凡五
希刺粉米無畫其衣一章裳二章凡三玄者衣無文
裳刺黻而已是以謂玄焉凡冕服皆玄衣纁裳自公

之衮冕至卿大夫之玄冕皆其朝聘天子及助祭之服諸侯非二王後其餘皆玄冕而祭于已○賈公彥曰古人爲日月星辰于衣取其明也山取爲人所仰龍取能變化華虫取文理衣是陽陽至輕浮畫亦輕浮故衣繪也宗彝者彝尊有虎彝雖彝因號虎雖爲宗彝并爲一章虎取其嚴猛雖取其有智以其卬鼻長尾大雨則懸于樹以尾塞鼻是其智也藻取有文火取其明粉米共爲一章取其潔亦取養人黼謂白黑爲形則黼文近亦白近上黑取斷割焉黻黑與青爲形兩已相背取臣民背惡向善亦取君臣有合離

之義希繡鄭讀希爲黼

張里反

黼紕也裳主陰刺是沈

深之義故裳刺也○考工記云白與黑謂之黼黑與青謂之黻五采備謂之繡土以黃其象方天時變火以圜山以章水以龍鳥獸蛇雜四時五色之位以章之謂之巧○釋文云衮六冕之第二者也畫爲九章天子畫升龍于衣上公但畫降龍○名物疏云按衮者卷也言龍首卷然以衮爲名據先儒之說謂虞有十二章周制惟九章孔安國所謂十二章者日也月也星辰也山也龍也華虫也皆畫于衣藻也火也粉也米也黼也黻也皆刺于裳鄭氏所謂九章者除日

月星加宗彝以華虫爲一粉米爲一鄭氏差次冕服之等則以黼黻最下孔氏則裳重黼黻粉米次之藻火又次之說者謂衣在上爲陽故所尊在先裳在下爲陰故所重在後而所云士服藻火大夫加粉米則皆刺在裳而衣上無文矣古禮湮亡莫得而辨然天之大數不過十二王者制作皆以十二象天使天子于上公其衣但有升龍降龍之異恐非所以示上下之別或者以龍德爲重故衣以衮名其實周亦十二章按郊特牲云祭之日王被衮冕以象天也龍章而設日月以象天也又鄭君云設日月畫于衣服旌旗

據此文則衮冕之文亦畫日月鄭又謂之魯禮要其
文稱王被服衮冕非魯事也又鄭注弁師云衮衣之
冕十二旂鷩衣之冕九旂毳衣之冕七旂希衣之冕
五旂玄衣之冕三旂卽以旂數爲章數何不可哉顧
氏說書則分華虫爲二云華取文章雉取耿介是禮
有十三章而其說不得通矣

舄

周禮屨人職掌王及后之服屨爲赤舄黑舄赤舄黃
纁青句青履葛屨纁以絲爲下緣句當爲絢音幼履
飾也鄭注云複下曰舄單下曰屨凡屨舄各象裳色

○什名曰複其下曰舄舄腊也行禮久立地或泥濕故複其末下使乾腊也○方言云履中有木者謂之複舄○賈公彥曰縹者牙底相接之縫綴條于其中絢謂屨頭狀如刀衣以條爲鼻或謂用緇一寸屈之爲絢所以受繫穿貫者也純以爲口緣也○三禮圖云王后翬衣玄舄榆狄赤舄鞠衣着屨○崔豹古今注云舄者以木置屨下以防其濕王吉服有九舄有三等赤舄爲上冕服之舄諸侯與王同下有白舄黑舄王后吉服六帷祭服有舄玄舄爲上禘衣之舄也有青舄赤舄鞠衣以下皆屨耳舄飾如績之次赤

總者王黑舄之飾黃纁者王后玄舄之飾青絢者王
白舄之飾言纁必有絢純言絢亦有纁純三者相將
王及后之赤舄皆黑飾后之青舄白飾絢謂之拘著
舄屨之頭以爲行戒纁縫中紉純緣也天子諸侯吉
事皆舄其餘惟服冕衣翟著舄○車攻之金舄箋云
金舄黃朱色也疏卽禮之赤舄也加金爲飾故謂金
舄○說苑云襄成君始封之日翠衣縞舄○左傳云
楚王皮弁豹舄以出○陸續裳衣經云冬服純青裘
履文舄○漢武帝傳元封二年七月七日二更之後
西王母投于殿前履鳳文舄

蔥珩

朱傳云珩佩首橫玉也○王藻云一命緼韞幽衡再命赤韞幽衡三命赤韞蔥珩注云衡佩玉之衡也幽讀爲黝黑謂之黝青謂之蔥○周禮云侯伯之卿三命其大夫再命其士一命子男之卿再命其大夫一命其士不命○孔子曰玉藻累一命至三命而止而云蔥珩則三命而上至九命皆蔥珩也○雅翼云蔥本白而末青青色尤美古者佩玉有蔥珩以玉色如蔥色得名

簔笠

傳云簑所以備雨○說文艸雨衣也○公羊傳不簑
城也注若今以艸衣城○韻會注云秦謂之革○國
語身衣襪本末反襪始亦反注云簑薜衣也○笠疏云原
以禦暑兼可禦雨○說文云笠無柄也○增韻云有
柄曰笠無柄曰笠○國語云簑笠時雨既至必求之
又云首戴茅蒲注云笠笠也

韎韐

孔氏云韎韐是衣服之名用茅蒐艸染之爾雅一染
謂之緇韎韐是緇也大夫以上祭服謂之韍士無韍
名謂之韎韐○士冠禮爵弁服纁裳純衣緇帶韎韐

注云韎韐組韍也士組韐而幽衡合韋爲之士染以茅蒐因以名焉今齊人名菑爲韎韎韐之制似韠○朱傳云韎茅蒐所染色也韐韠也所謂韋弁

緇撮

儀禮緇布冠缺項青組纓屬于缺注缺讀如頰緇布冠無笄者著頰圍髮際結項中隅爲四綬以固冠也項中有緇亦由固頰爲之耳今未冠笄者著卷幘頰象之所生也又云賓筵前正纚右手執項左手執前○郊特牲曰太古冠布齊則緇之其綏也○孔子曰吾未之前聞也冠而敝之可也○玉藻曰始冠緇布

冠諸侯下達緇布冠緇布冠纁綌諸侯之冠也○雜
記大白緇布冠不綌又曰大夫卜宅與葬日緇布冠
不綌○陳氏云緇布冠有前有項纓屬于缺無綌後
世以尊者不可無飾故加纁綌用於始冠及大夫之
卜宅與葬日而已庶人或以爲常服用於始冠則玄
端玄裳黃裳雜裳緇帶爵韞用于卜宅與葬日則有
司麻衣布衰布帶因喪屨若庶人則深衣焉庶人雖
服委貌而儉者服緇布謂之緇撮則無梁矣

厲

箋云鞶必垂厲爲飾厲字當作裂○內則男鞶章女

禮記云十有二旒則天數也有虞曰皇夏曰収殷曰
皐○陳祥道云皇収而下皆冕也○白虎通云禮曰
周冕而祭又曰殷皐夏収而祭此三代宗廟之冠也
十一月之時陽氣倂仰黃泉之下萬物被施前倂而
後仰故謂之冕皐者十二月之時施氣受化詡張而
後得牙故謂之詡収者十三月之時氣収本舉生萬
物而達出之故曰収○周禮弁師掌王五冕○禮器
曰冕冠長尺六寸廣八寸員前冕緇布在上五采組
十二夏殷之冕如周制矣其旒色異夏冕黑白赤組
旒殷冕黑黃青組旒○應劭漢官儀曰周冕與古冕

略等周加垂旒天子前後垂真白珠各十二○冠禮
記云周弁殷皐夏收注云皐名出于幬荒平幬覆也
言所以自覆飾也齊所服而祭也其制之異未聞疏
云按漢禮器制度弁冕周禮弁冕相參考之冕以木
爲體廣八寸長尺六寸績麻三十升布爲之上以玄
下以纁前後有旒尊卑各有差等但夏殷禮亡制與
周異故云未聞○論語疏云冕俛也以其前高後下
有俛仰之形因名焉

絲衣

朱傳云絲衣祭服弁爵弁也士祭于王之服○箋云

繹禮輕使士○士冠禮爵弁服纁裳純衣緇帶韎韐
注云純衣絲衣也○雜記云大夫冕而祭于公弁而
祭于已士弁而祭于公冠而祭于已○名物疏案周
禮正祭視滌濯逆齊省鑊告時告備皆使小宗伯此
繹祭輕故使士耳朱傳汎言祭而飲酒非也朱傳及
箋所云禮之次俱準特牲爲文

詩經類考卷之十三

明武塘沈萬鈺仲容采輯

宮室考

室家

沈氏云卿大夫稱家家者外內之大名戶內曰室○
釋名云室實也言人物實滿於其中也○說文云家
居也○爾雅扈內謂之家○呂覽高元作室

城

說文云城所以盛民也墉城垣也堞城上女牆○釋
名曰城盛也盛受國都也郭廓也廓落在城外也城

上垣謂之睥睨睥睨非常也亦曰睥言稗助城之高也亦曰女牆言卑小比之於城猶女子之於丈夫也○公羊傳曰家不藏甲國無百雉之城雉者何五板而堵五堵而雉百雉而城○左傳曰士彌牟城成周計丈尺揣高卑度厚薄仞溝洫物土方議遠邇量事期計徒庸慮材用畫檟糧以令役○月令云孟秋補城郭仲冬築城郭○禮運云城郭溝池以爲固○周禮掌固掌修城郭溝池量人掌管國城郭典命上公國家以九爲節侯伯以七爲節子男以五爲節註云國家謂城方公之滅蓋方九里侯伯方七里子男方

五里疏云天子城方十二里又云匠人營國方九里
旁三門國中九經九緯王宮門阿之制五雉宮隅之
制七雉城隅之制九雉門阿之制以爲都城之制宮
隅之制以爲諸侯之城制○國語云火見而清風戒
寒而修城郭○五經異義云天子城千雉高七雉公
侯百雉高五雉子男五十雉高三雉天子之城高九
仞公侯七仞伯五仞子男三仞○白虎通曰天子曰
崇城言崇高也諸侯曰干城言不敢自尊禦於天子
也○春秋說文云天子周城諸侯軒城軒城者缺南
面以受過也○吳越春秋云堯聽四岳言用繇修水

名曰祔○五經要義曰木主之狀四方穿中央以達四方天子長尺二寸諸侯長尺皆刻謚於背○漢書曰廟所以藏主列昭穆○白虎通云聖王所以制宗廟何曰生死殊路故敬鬼神而遠之所以有屋何所以象生之居○周禮小宗伯掌建國之神位右社稷左宗廟辨廟祧之昭穆守祧掌守先王先公之廟祧其遺衣服藏焉其廟則有司脩除之其祧則守祧黜陟之匠人營國左祖右社廟門容大廟七個闔門容小廟三個鄭注云廟謂太祖之廟及三昭三穆遷主所藏曰祧遺衣服大斂之餘也故書祧作濯鄭司農

灌讀曰祧○文王世子云正室守太廟尊宗室正室適子也適子是宗室之正太廟是祖之正用適子守太廟是尊於宗及廟之室故也○又云祖廟未毀雖爲庶人冠娶妻必告死必訃不忘親也○周禮考工記匠人職云殷人重屋鄭注云重屋者王宮正室若大寢也○周禮司巫厘主注主木主厘罷也○主出廟入廟必蹕○曾子問曰古者師行必以遷廟主行孔子曰天子巡狩以遷廟主行載於齊車言必有尊也今也取七廟以行則失之矣○禮記曰當七廟五廟無虛主唯祫祭於祖爲無主耳○明堂位云山節

藻稅復廟重簷刮楹達鄉反玷出尊崇玷康圭䟽屏
天子之廟飾也○祭法云王立七廟一壇一墀曰考
廟曰王考廟曰皇考廟曰顯考廟曰祖考廟皆月祭
之遠廟爲祧有二祧享嘗乃止去祧爲壇去壇爲墀
壇墀有禱焉祭之去壇曰鬼諸侯立五廟一壇一墀
曰考廟曰王考廟曰皇考廟皆月祭之顯考廟祖考
廟享嘗乃止去祖爲壇去壇爲墀壇墀有禱焉祭之
去壇爲鬼大夫立三廟二壇適士二廟一壇官師一
廟小記曰王者禘其祖之所自出以其祖配之而立
四廟庶子王亦如之○荀子云有天下者事七世有

一國者事五世有五乘之地者事三世有三乘之地者事二世持手而食者不得立宗廟所以表積厚積厚者流澤廣積薄者流澤狹也○王制曰天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三註曰諸侯太祖始封之君也大夫太祖始爵者也而先儒吳澄亦曰初爲大夫者居中曰大廟考之祭法曰大夫立三廟曰考廟曰王考廟曰皇考廟則及於曾適士二廟曰考廟曰王考廟則及於祖官師一廟曰考廟則及於父蓋太廟惟有爵土者有之如天

子大夫四命加一命爲子男上士三命加一命爲附庸皆有爵土故得立太廟爲百世不遷之祖若封上士爲諸侯之卿已無爵土矣况諸侯之大夫不過再命之士諸侯所自辟除者或致仕及死其子孫卽與庶人同初無爵土之世嗣故曰父爲大夫子爲士葬以大夫祭以士豈得立太廟而世享百世大夫之祭哉王制言諸侯之大夫不世爵祿其無爵土之世嗣蓋可見矣○又按周之太廟后稷始爲諸侯之廟也二世室文武始爲天子之廟也其制度隆殺殆有不同故先公之遷主皆藏於后稷之廟先王之遷主皆

藏於文武之廟而太王王季雖追王爲王其未有天
下亦藏於后稷之廟自成王以下則穆之祧者藏於
文世室昭之祧者藏於武世室其藏於后稷之廟也
則列於南北牖下大禘則出太祖於堂牖間南向而
先公昭西向穆東向合祭焉其藏於文王之廟也先
王穆則列於南牖下藏於武王之廟也先王昭則列
於北牖下大禘則出文王神主於堂南向而先王羣
穆皆東向受祭焉時禘亦然書洛誥所謂烝祭歲文
王騂牛一武王騂牛一是也陳詳道禮書曰其尸后
稷廟中后稷尸一昭穆尸各一文王廟中文王尸一

穆尸共一武王廟中武王尸一昭尸共一其迎尸出在堂之時其后稷文武之尸皆南向餘尸主如室中之左右也謂后稷以下昭穆昭西面穆東面文王以下穆主在西東面武王以下昭主在西東面也此說近似有理先儒趙氏惠亦嘗引之駁朱子或問之小誤也但謂穆尸昭尸共一恐共一牲耳非共一尸也○又按馬端臨文獻通考謂天子宗廟之制見於經傳甚明歷代諸儒因經傳所載而推明之其說亦甚備然終不能依古制立廟者其說有二一則太祖之議難決二則昭穆之位太拘謂太祖之議難決者以

後世皆崛起而有天下者不因前代欲推高祖爲太祖則無契稷之有功德者欲逕以有天下者爲太祖又非王者敬事祖考之道也以愚考之周之后稷初爲太祖至後世有天下則但爲始祖而仍以文王爲太祖武王爲太宗後世雖無契稷功德之祖亦不妨以有天下者之高祖爲始祖以有天下者爲太祖也謂昭穆之位太拘者朱子言昭常爲昭穆常爲穆必繼世以有天下者皆父死子立而後可若兄終弟及則其序紊矣以愚考之春秋之法兄弟不先君臣既受其國則猶子也何必泥於兄弟而疑昭穆之序紊

哉○鄭曉古言云諸侯五廟惟魯大廟文十三年公
羊傳曰周公稱太廟魯公稱世室羣公稱宮殿樂曰
太室卽世室禮記季夏六月以禘禮祀周公於太廟
鬱尊用黃目灌用玉瓚薦用玉豆雕篋爵用玉琖○
孔穎達正義曰鄭氏之意天子立七廟唯謂周也鄭
必知然者按禮緯稽命徵云唐虞五廟親廟四始祖
廟一夏四廟至子孫五殷五廟至子孫六鈞命訣云
唐堯五廟親廟四與始祖五禹四廟至子孫五殷五
廟至子孫六周六廟至子孫七據此爲說故謂七廟
周制也周所以七者以文王武王受命其廟不毀以

爲二祧并始祖后稷及高祖以下親廟四故爲七也
若王肅以爲天子七廟者謂高祖之父及高祖之祖
廟爲二祧并始祖及親廟四爲七故聖證論肅難鄭
云周之文武受命之王不遷之廟權禮所施非常廟
之數殷之三宗宗其德而存其廟亦不以爲數凡七
廟者皆不稱周室禮記云有以多爲貴者天子七廟
孫卿云有天下者事七世又云自上以下降殺以兩
今使天子諸侯立廟並親廟四而止則君臣同制尊
卑不別名位不同禮亦異幾况其君臣乎又祭法云
王下祭殤五及五世來孫則下及無親之孫而祭上

不及無親之祖不亦詭哉穀梁傳云天子七廟諸侯
五家語云子羔問尊卑立廟制孔子云禮天子立七
廟諸侯立五廟大夫立三廟又云遠廟爲祧有二祧
焉又儒者難鄭云祭法遠廟爲祧鄭注周禮云遷主
所藏曰祧違經正文鄭又云先公之遷主藏於后稷
之廟先王之遷主藏於文武之廟便有三祧何得祭
法云有二祧難鄭之義凡有數條大畧如此不能具
載鄭必謂天子七廟唯周制者馬昭難王義云按喪
服小記王者立四廟又引禮緯夏無大祖宗禹而已
則五廟殷人祖契而宗湯則六廟周尊后稷宗文王

武王則七廟自夏及周少不減五多不過七禮器云
周旅鼎六尸一人發爵則周七尸七廟明矣今使文
武不在七廟既不同祭又不饗嘗豈禮也哉故漢侍
中盧植說文云二祧謂文武曾子問當七廟無虛主
禮器天子七廟堂九尺王制七廟盧植云皆據周言
也穀梁傳天子七廟尹更始說天子七廟據周也漢
書韋玄成四十八人議皆云周以后稷始封文武受
命石渠論白虎通云周以后稷文武特七廟又張融
謹按周禮守祧職奄八人女祧每廟二人自太祖以
下與文武及親廟四用七人姜嫄用一人適盡若除

文武則奄少二人曾子問孔子說周事而云七廟無
虛主若王肅數高祖之父高祖之祖廟與文武而九
主當有九孔子何云七廟無虛主乎故云以周禮孔
子之言爲本穀梁說及小記爲枝葉肅玄成石渠論
白虎通爲證驗七廟斥言玄說爲長是融申鄭之意
且天子七廟者有其人則七無其人則五若諸侯廟
制雖有其人不得過五則此天子諸侯七五之異也
王肅云君臣同制尊卑不別其義非也又王下祭殤
五者非是別立殤廟七廟外親盡之祖禘祫猶當祀
之而王肅云下祭無親之孫上不及無親之祖又非

通論且家語云先儒以爲肅之所作未足可依按周禮惟存后稷之廟不毀按昭七年傳云余敢忘高圉亞圉注云周人不毀其廟報祭之似高圉亞圉廟亦不毀者此是不合鄭說故馬融說云周人所報而不立廟○名物疏按康成解七廟云此周制七者太祖及文王武王之祧與親廟四太祖后稷殷則六廟契及湯與二昭二穆夏則五廟無太祖禹與二昭二穆而已其意以文武湯禹皆爲祧也祭法云遠廟爲祧合五考二祧以足七數若以文武爲祧則天子所祭仍是四親與諸侯何別哉故王肅難鄭云文武受命

之王不遷之廟權禮所施殷之三宗宗其德而存其廟亦不以爲數穀梁傳孫卿子家語皆言天子立七廟不稱周室今使天子諸侯立廟竝親廟四而止非降殺以兩之義又祭法云王下祭殤五則下及無服之孫而上不及無親之祖不亦詭哉予考之虞書云禋於六宗晉秀才張髦曰六宗三昭三穆并太祖則爲七矣是虞有七廟也伊尹稱七世之廟可以觀德是殷有七廟也禮緯稽命徵云唐虞五廟夏四廟殷五廟識緯之書出於新莽東漢之代未足多據孔子家語曰天子七廟諸侯五大夫三士二自虞至周所

不變也其先祖之有功德者則創不遷之廟以世祀之非祭法所謂祧也殷之三宗周之文武漢之孝文武宣皆然明堂位云魯公之廟文世室也武公之廟武世室也若依鄭說則魯祖周公又宗二公後君所祭止及考與王考所謂月祭之皇考享嘗之顯考皆在壇墠之列矣反不若大夫之得祭皇考尊卑失序不可謂禮故七廟之說斷從王肅爲長

牖

說文曰牖穿壁以木爲交窻所以見日也在牆曰牖在屋曰窻○朱子云牖下室西南隅所謂奧也又云

古人廟堂南向室在其北東戶西牖皆南向室西南
隅爲奧尊者居之所謂牖下者也凡廟皆南向而主
皆西向○邢昺云古者爲室戶不當中而近東則室
南隅最爲深隱故謂之奧而祭祀及尊者常處焉曲
禮云人子居不主奧是也○名物疏按傳云大夫士
祭於宗廟奠於牖下箋云牖下戶牖間之前祭不於
室中者凡昏事於女禮設几筵於戶外此其義也毛
言奠於牖下則祭仍在室鄭則直謂祭於戶外其義
雖殊皆不以牖下爲奧也至朱傳始斷以爲奧矣

屋

釋名云屋奧也其中溫奧也大屋曰廡廡幬也幬覆也并冀人謂之庠音雅庠正也屋之正大者也○考工記葺屋三分瓦屋四分

獄

釋名曰獄確也言實確人情僞也又謂之牢言所在堅牢也又謂之圜土言築土之表牆其形圜也又謂之囹圄囹領也囹禦也○疏云鄭異義駁云獄廂也囚證於角核之處周禮之圜土然則獄者核實道理之名臯陶造獄謂此也既囚證未定獄事未決繫之於圜土囚謂圜土亦爲獄司寇職云兩造禁民訟兩

劑禁民獄對文則訟獄異故彼注云訟謂以財貨相告者獄謂相告以罪名是其對例散則通也○大司寇云以園土教聚罷民凡害人者寘之園土而施職事焉以明刑耻之以兩造禁民訟入東矢於朝然後聽之以兩劑禁民獄入鈞金三日乃致於朝然後聽之司園掌收教罷民凡害人者弗使冠飾而加明刑焉任之以事而收教之能改者上罪三年而舍中罪二年而舍下罪一年而舍凡園土之刑人也不虧體其罪人也不虧財○廣雅云夏曰夏臺殷曰羑里周曰囹圄○博物志云夏曰念室殷曰動止周曰稽留

三代之異名也○韓詩傳云鄉亭之繫曰犴朝廷曰獄○元命包云爲獄圜土象斗還合天文志云貫索貴人之牢勾圜五星屬杓曰賤人之牢星實則囚多虛則開出

墉

釋官云墉謂之墉李巡曰謂垣墉也○釋名曰墉容也所以蔽隱形容也○書大傳云天子貢墉諸侯疏杼注云貢大也言大墉正道直也疏衰也杼亦墉也衰殺其上不得正直貢音墳○新序云諸侯垣墉有黝堊無丹青之色○淮南子云舜作室築墉茨屋辟地

樹穀令民皆知去居穴各有家室○左傳叔孫豹云
人之有牆以蔽惡也○周禮墻厚三尺崇三之注云
高卑爲率足以相稱○禮書云詩曰崇墉言言易曰
崇其高墉則墉墻之高者也儀禮於房室言墉於堂
下言壁則壁墻之卑者也書有東序西序爾雅曰東
西墻謂之序則序堂上之東西墻也詩曰之子於垣
百堵皆作書曰旣勤垣墉春秋傳曰子產使盡壞其
館之垣納車馬焉則垣宮室之外墻也考工記曰墻
厚三尺崇三之則墻者垣墉之總名與

畿

毛傳云畿門內也○讀詩記云韓愈詩白石爲門畿
蓋以畿爲門閭也必有所據可以發明毛氏之說○
呂氏春秋曰出則以車入則以輦務以自佚命曰怡
丑吏反歷之機高誘曰怡至也歷機門內之位也畿機音相近

庭

說文庭宮中也○讀詩記云庭在大門之內寢門之
外○玉海云堂下至門謂之庭○莊子循本云庭堂
外地也

門

釋名云門捫也在外爲人所捫摸也○說文云門从

二戶象形○易云重門擊柝以待暴客蓋取諸豫又
曰艮爲門闕○月令仲冬乃修閭扇鄭注因蟄虫啓
戶耕事少間而治門戶也用木曰闔用竹葦曰扇○
左傳云啟塞從時注門戶道橋謂之啟城郭牆塹謂
之塞○爾雅曰閉謂之門○周官曰掌舍掌王會同
之舍設棧柢再重設車宮轅門爲壇壝戟門爲帷宮
設旌門無宮則供人門○說文曰門从二戶象形也
楚人名門曰閭閭閭闔闔天門也

臺

爾雅云闔謂之臺有木者謂之榭又云四方而高曰

臺○釋名云臺持也言築土堅高能自勝持也○月
令仲夏可以居高明可以處臺榭○五經異義云天
子有三臺靈臺以觀天文時臺以觀四時施化囿臺
以觀鳥獸魚鱉諸侯卑不得觀天文無靈臺但有時
臺囿臺也○國語伍舉云先王之爲臺榭也榭不過
講軍實臺不過望氛祥故榭度於大卒之居臺度於
臨觀之高瘠磽之地於是乎爲之城守之木於是乎
用之

宮室

釋名云宮穹也屋見於垣上穹崇然也○世本云堯

使禹作宮○白虎通云黃帝作宮室以避寒濕○周禮云宮中度以九宮中度以尋內有九室九嬪居之外有九室九卿朝焉九分其國以爲九分九卿治之王宮門阿之制五雉宮隅之制七雉○墨子云上古之人未知爲宮室就陵而居處下潤傷民故聖人作爲宮室之法高足以避潤濕中足以禦風寒上足以待霜雪墻高足以別男女故以便生不以爲樂也○董子云禮天子之宮右清廟左涼室前明堂後路寢四室者足以避寒暑而不高大也夫高室近陽廣室多陰故室適形而止○書大傳云百里之國九里之

城三里之宮七十里之國三里之城一里之宮五十里之國一里之城以城爲宮○風俗通云宮室一也秦漢以來尊者以爲常號下乃避之也○鄭典命注云公官方九百步侯伯官方七百步子男官方五百步○名物疏云按宮者廻繞之義記曰君爲廬宮之周官禮曰王宮縣是也古者貴賤所居皆得稱宮故禮記由命士以上父子皆異宮又云儒有一畝之宮環堵之室喪服傳繼父爲其妻前夫之子築宮廟呂氏春秋云武王克殷靖箕子之宮是卿大夫以下皆得稱宮矣秦漢以來乃定爲至尊所居之稱

東宮

左傳注太子不敢居上位常處東宮疏常處東宮者四時東爲春萬物生長在東西爲秋萬物成就在西以此君在西宮太子常處東宮也或可據西北爲乾乾爲君父故君在西東方震震爲長男故太子在東也○卜壺奏云太子所居宮稱東宮不言太子宫者二宮以東西爲稱明是天子之離宮使太子居之

朝

爾雅疏云鄭玄曰天子諸侯皆有三朝外朝一內朝二其天子外朝在皋門之內庫門之外大詢衆

庶之朝也朝士掌之內朝二者正朝在路門外司士掌之燕朝在路門內大僕掌之諸侯之外朝一者在臯門內應門外內朝二者亦在路寢門之外內以正朝在應門內故謂應門爲朝門也○禮書云周官太僕掌燕朝之服位宰夫掌治朝之法司士掌朝儀之位朝士掌外朝之法文王世子公族朝於內朝庶子掌之其在外朝司士掌之玉藻朝服以日視朝於內朝退適路寢聽政然則文王世子與玉藻所謂朝者諸侯之朝也蓋天子庫門之外外朝也朝士掌之路門之外治朝也宰夫司士掌之路寢燕朝也大僕掌

之諸侯亦有路寢有外朝則文王世子所謂內朝者
玉藻所謂內寢也玉藻所謂內朝者文王世子所謂
外朝也玉藻於路寢之外言內朝則又有外朝明矣
背

傳云背北堂疏云背者嚮北之義故知在北士昏禮
云婦洗在北堂有司徹云主婦北堂房室所居之地
總謂之堂房半以北爲北堂房半以南爲南堂○廬
陵李氏云房屋相連爲之房無北壁故得北堂之名
○朱子云北堂蓋古植花木之處○禮書云北堂在
房之北

房

釋名云房旁也在堂兩旁也○疏云天子小寢如諸侯之路寢有左右房○廬陵李氏云堂屋次棟之架曰楣後楣以北爲室與房人君左右房大夫東房西室而已

館

箋云卿士所之之館在天子宫如今之諸廬○考工記內有九室九嬪居之外有九室九卿朝焉注內路寢之裏也外路門之表也九室如今朝堂諸曹治事處○孔氏云禮有公館私館館者官室之名

堂

演義曰堂當也言當正向陽之屋又堂明也言明理
義之所○釋名曰堂猶堂堂高顯貌也○春秋因事
曰軒轅氏始有堂室棟宇則堂之名肇自黃帝也○
說文曰堂殿也○風俗通曰殿堂象東井形刻作
菱○禮記曰禮有以高爲貴者天子之堂九尺諸侯
七尺大夫五尺士三尺尚書大傳曰天子堂高九雉
諸侯七雉伯子男五雉雉長三
尺也○禮記曰堂上不趨
堂上接武堂下布武○摯虞決疑要注曰殿堂之上
惟天子居牀其餘皆幅席席前設筵几禮天子之殿

東西九筵南北七筵故曰度堂以筵度室以几注曰
凡大殿乃有陛堂則有階無陛也左城右平者以文
博相亞次城者爲階級也九錫之禮納陛以登謂受
此陛以上殿○孫毓云禮門側之堂謂之塾○士喪
疏云房戶之外由半以南謂之堂士昏疏云其內由
半以北亦謂之堂○箋云堂當爲棖○爾雅云桼謂
之間棖謂之楔孫炎曰桼門限也李巡曰楔謂閭上
兩旁木○禮記云君入門介拂闌大夫中棖與闌之
間士介拂棖賓入不中門不履闌公事自闌西私事
自闌東

闔闔

說文云闔城曲重門也○永嘉陳氏云門之外有副城回曲以障門者謂之闔○闔爾雅云謂之臺孫炎云積土如水渚所以望氛祥也○疏云闔是城上之臺謂當門臺也○箋云闔讀如都人士之都謂國外曲城之中市里也

著

傳云門屏之間曰著○爾雅云門屏之間謂之宁疏云路門之外屏樹之內人君視朝宁立之處因名爲宁李巡云正門內兩塾間曰宁曲禮云天子當宁而

立是也○孔疏云著與宁音義全○禮書云門屏之間謂之宁大夫以簾士以帷則無屏矣詩曰俟我於著乎而大夫士與焉者蓋簾帷之爲蔽限亦謂之屏
廛

毛傳云一夫之居曰廛○說文云一畝半一家之居○周禮載師以廛里任國中之地鄭司農云廛市中空地未有肆城中空地未有宅者玄謂廛里者若今云邑里居矣廛民居之區域也里居也以廛里任國中而遂人職授民田夫一廛田百畝是廛里不謂民之邑居在都城者與○遂人夫一廛田百畝鄭司農

云廛居也楊子雲有田一廛謂百畝之居也玄謂廛
城邑之居孟子所云五畝之宅樹之以桑麻者也○
韻會注云市物邸舍曰廛晉灼曰一百畝○禮書云
廛者國中之居廛者田中之居廛舍二畝半廛亦二
畝半則五畝之宅合在野在邑言之考之於禮鄉師
巡國及野以施惠鄉大夫辨國中之可任舍者鄉士
掌國中之獄則六鄉之民莫不廛里於國中矣廛里
所以定居而廛舍特其宿息之地而已

困

匠人注云困圓倉○釋名云困繆也藏物繆繆束縛

之也○月令孟冬命有司脩囷倉○考工記云囷窳
音倉倉城逆牆六分○說文云囷廩之囷者从禾在口
中囷謂之囷方謂之京

隅

說文隅也○爾雅西南隅謂之奧西北隅謂之屋漏
東北隅謂之窻音夷東南隅謂之突

戶

釋名云戶護也所以謹護閉塞也○說文云半門曰
戶○毛公云庶人華戶

市

風俗通云市時也言交易而退恃以不匱也○白虎
通云因井爲市故曰市井○古今注云闕市垣也闕
市門也肆陳也店置也○古史考云神農作市高陽
氏衰市官不修祝融修市○周禮內宰凡建國佐后
立市祭以陰禮司市掌市之治教政刑量度禁令以
次序分地而經市次吏所治思次介次也若今市亭
思次市師所泄介次晉師賈師所
也以陳肆辨物而平市以政令禁物靡而均市以商
賈阜貨而行市以量度成賈而徵儋音育以質劑結信
而止訟以賈氏禁僞而除詐以刑罰禁暴而去盜以
泉府同貨而歛賒大市日夜而市百族爲主朝市朝

言系類
時而市商賈爲主夕市夕時而市販夫販婦爲主凡
治市之貨賄六畜珍異亡者使有利者使阜害者使
亡靡者使微其屬有廛人胥師賈師司越同司稽胥
肆長之官考工記云匠人營國面朝後市市朝一夫
○禮書云遺人五十里有市市有候館量人營軍之
壘舍量其市朝州涂則道路之與軍師亦有市矣天
文旗星中四星曰天市中星衆者實其中虛則耗此
市之象也

衡門

疏云衡古文橫假借字也衡門橫木爲門門之深者

有阿塾堂宇此惟橫木爲之言其淺也

中唐

爾雅云廟中路謂之唐堂塗謂之陳○毛傳云中中庭也唐堂塗也

宇

韓詩云宇屋霑也○釋文云屋四垂爲宇○釋名云宇羽也如鳥羽翼自覆蔽也○繫辭云上棟下宇以待風雨

公堂

傳云公堂學校也疏云謂黨之序學

庖

周禮庖人掌共六畜六獸六禽辨其名物凡其死生
蠃薨之物以共王之膳與其薦羞之物及后世子之
膳羞共祭祀之好羞共喪紀之庶羞賓客之禽獻鄭
玄云庖之言包也裹肉曰苞且○帝王世紀云太昊
取犧牲以共庖厨

宅

說文云所託也○釋名云宅擇也言擇吉處而營之
也○尉繚子云天子宅千畝諸侯宅百畝大夫以下
里舍九畝○周禮云國宅無征注云城中之宅無稅

楹

廣雅云楹謂之柱○釋名云楹亭也亭亭然孤立旁無所依也齊魯讀曰輕輕勝也孤立獨處能勝任任重也○穀梁傳云丹桓宮楹禮天子丹諸侯黝大夫蒼○書大傳曰士大夫有石材庶人有石承注云材柱下質也承當柱下而已不出下爲飾

寢

周禮宮人掌王之六寢之修注六寢者路寢一小寢五路寢以視事小寢以時燕息焉又司士居廂門之左司王朝注虎門路寢門也王日視朝於路寢門外

太僕建路鼓於大寢之門外而掌其政○禮記寢不
踰廟又云朝辨色始入君日出而視之退適路寢聽
政使人視大夫大夫退然後適小寢釋服又云路寢
成則考之○鄭康成詩禮注云君謂之路寢大夫謂
之適寢士或謂之適室世婦以君下寢之上爲適寢
內子卿之妻也下室其燕處也天子之寢有左右房
宗廟及路寢制如明堂每室四戶○孔仲達云天子
路寢制如明堂燕寢如諸侯路寢故有左右房○何
休云天子諸侯皆有三寢一曰高寢一曰路寢一曰
小寢父居高寢子居路寢孫從王父毋妻從夫寢夫

人居小寢○爾雅云室有東西廂曰廟無東西廂有
室曰寢○禮書云以書考之天子路寢之制室居中
左戶右牖東西有房又有東序西序東堂西堂東垂
西垂賓階阼階房之南有東西夾室鄭康成釋儀禮
謂房當夾室北是也孔安國謂西房西夾室東房東
夾室誤矣諸侯路寢與大夫士之室皆東西房鄭氏
謂大夫士無西房誤矣王六寢后六宮諸侯三寢夫
人三宮王大寢一小寢五諸侯大寢一小寢二大寢
在前謂之路寢又謂正寢小寢在後謂之燕寢又謂
少寢自卿以下二寢正寢居前燕寢居後其妻二寢

言終類
亦如之

倉

釋名云倉藏也藏穀物也○月令云季春發倉廩賜
貧窮孟冬命有司修囷倉務積聚○周禮倉人掌粟
入之藏辨九穀之物以待邦用若穀不足則止餘散
用有餘則藏之以待凶而頒之

庾

釋名云庾裕也言盈裕也○周語云野有露積韋昭
云庾露積穀也○疏庾積粟未入倉露地積聚之九
章筭術平地委粟是也

祊

爾雅云閒謂之門郭注引詩曰祝祭於祊疏云案祊本廟門之名設祭於廟門因名其祭亦名祊凡祊有二種一是正祭之時既設於廟又求神於廟門之內郊特牲云索祭祀於祊及詩云祝祭於祊注云祊平生門內之旁待賓客之處與祭同日也二是明日繹祭之時設饌於廟門外西室亦謂之祊卽郊特牲注云祊之禮宜於廟門外之西室及禮器云爲祊乎外是也然則廟門內外皆有祊稱○郊特牲曰直祭祝於主索祭祝於祊不知神之所在於彼乎於此乎或

諸遠人乎祭於祊尚曰求諸遠者與祊之爲言倥音諒也○說文作繫云門內先祖所彷徨也○王氏云凡祀祿鬯則求諸陰炳蕭則求諸陽索祭祀於祊則求諸陰陽之間蓋竟無不之神無不在求之備如此

爨

釋名云爨銓也銓度甘辛調和之處也○禮記云孟夏其祀竈又云臧文仲焉知禮燔柴於竈竈者老婦之祭也故盛於盆尊於瓶又云庶士庶人立一祀或立戶或立竈○士虞禮側亨於廟門外之右東面魚腊爨亞之北上饌爨在東北西面特牲饋食主人視

館爨於西堂下亭於門外東方西面北上記云牲爨
在廟門外魚腊爨在其南饔爨在西壁尸卒食而祭
饔爨雍爨少牢饋食禮雍爨在門東南北上廩爨在
雍爨之北○淮南子云黃帝作竈死爲竈神○白虎
通云夏祭竈者火之主人所以自養也

廬

孔氏云古者宅在都邑田於外野農時出而就田須
有廬舍○班固曰井方一里是爲九夫八家共之各
受私田百畝公田十畝是爲八百八十畝餘二十畝
以爲廬舍又曰環廬樹桑菜茹有畦瓜瓠果蓏殖於

詩經類考 官室 廬
疆場在野曰廬在邑曰里○說文云廬寄也春夏居
秋冬去○春秋井田記人受田百畝公田十畝廬舍
在內貴人也公田次之重公也私田在外賤私也○
丘氏曰公田百畝內除二十畝爲八家治田之廬○
董氏云井九百畝其中爲公田八家每廬舍二畝半

屏

爾雅云門屏之間謂之宁屏謂之樹疏云屏蔽也樹
立也立牆當門以自蔽也諸侯內屏在路門之內天
子外屏在路門之外而近應門○郊特牲云旅樹大
夫之僭禮注云旅道也樹所以蔽行道明堂位云疏

屏天子之廟飾注云屏今學思也刻之爲雲氣虫獸
如今闕上爲之矣○禮緯云天子外屏諸侯內屏大
夫以簾士以帷○天文書云屏四星在端門內近左
執法

翰

傳云翰幹○釋詁云楨幹也舍人曰楨正也築牆所
立兩木也幹所以當牆兩邊障土者

廐

說文云廐馬舍也○曲禮云天子將營宮室宗廟爲
先廐庫爲次○周禮校人云三乘爲皂二皂爲繫六

繫爲廐六廐成校園師掌春除蒔釁廐○釋名云廐
鳩也聚也牛馬之所聚也○左傳疏云凡馬春分百
艸始繁則牧於坰野秋分農功始藏水寒艸枯則皆
還廐此周典之制也○星經云天廐十星在壁北主
天子馬坊廐苑之官也

陶

疏云陶瓦罽竈也復地室也復者地上爲之穴者鑿
地爲之○考工記云搏音埴埴之工陶旒有虞氏尚陶
○尸子曰昆吾作陶○周書曰神農耕而作陶○賈
公彥云古者窟居隨地而造若平地則不鑿但累土

爲之謂之爲複言於地上重複爲之也若高地則鑿爲坎謂之爲穴其形皆如陶竈複穴皆開其上取明說文云土室也○易曰上古穴居而野處後世聖人易之以宮室○禮運云先王未有宮室冬居營窟夏居橧巢

臯門應門

周禮考工記匠人營國方九里旁三門國中九經九緯經涂九軌左祖右社面朝後市市朝一夫○王五門一曰臯門臯者遠也門窳在外故曰臯卽王城南三門是也二曰庫門庫門之外謂之前朝左九棘孤

言
卿大夫位焉羣士在其後右九棘公侯伯子男位焉
群吏在其後面三槐三公位焉川長衆庶在其後前
朝一夫百畝之地前朝之左右則官吏之邸舍在焉
則不止於一夫百畝之地也三曰雉門雉門左右爲
二臺臺上爲二觀中央闕然爲道故曰闕左臺觀之
東宗廟在焉右臺觀之西社稷在焉四曰應門謂居
此以應治也五曰路門路門取其大也王日居此以
聽治也路門謂之畢門者言自外至此而畢路門之
內有路寢路寢後有五小寢皆王燕息之所也五小
寢後爲后宮后宮後有五小宮皆王后居之也后宮

外有九室則九嬪居之也總名曰王宮王宮後一區
爲市市四面有門亦一夫百畝之地市門左右皆商
賈之宅舍亦不止于一夫百畝之地也王宮之左右
前後內城外郭皆六鄉之民居之乃分番入衛也前
漢食貨志謂在埜曰廬在邑曰里春令民畢出在野
冬則畢入于邑謂都鄙之民非六鄉之民也○毛云
王之郭門曰臯門王之正門曰應門箋云諸侯之宮
外門曰臯門朝門曰應門內有路門天子之宮加以
庫雉疏云毛云郭門者宮之外郭之門毛以諸侯之
門不名臯應與鄭別○爾雅云正門謂之應門○朱

子曰書天子有應門春秋書魯有雉門禮記云魯有庫門家語云衛有庫門皆無云諸侯有皐應者則皐應爲天子之門明矣意者太王之時未有制度特作二門其名如此及周有天下遂尊以爲天子之門而諸侯不得立也○周禮閹人掌守王宮中門之禁先鄭注云王有五門外曰皐門二曰雉門三曰庫門四曰應門五曰路門一曰畢門玄謂雉門三門也又云匠人營國應門二徹三个王宮門阿之制九雉○明堂位云庫門天子皐門雉門天子應門○禮書云皐門之內外朝也朝士建其法小司寇掌其政列三總

與九棘設嘉石與肺石而朝諸侯聽訟詢大事在焉
應門之內治朝也司士正其位宰夫掌其法太僕正
王之位而王日視朝在焉路門之內燕朝也太僕正
其位掌擯相而族人朝焉諸侯之外門曰庫門魯以
周公之故猶不可稱臯門應門特爲臯應之制而已

冢土

傳云冢土大社也美太王之社遂爲大社○祭法云
王爲羣姓立社曰大社郊特牲云天子大社必受霜
露風雨以達天地之氣也○禮書云王之大社土五
色而冒以黃其位則中門之右社主陰故也其壇北

面社嚮陰故也其飾則不屋記所謂大社必受霜露風雨也其表則木其方廣則五丈其主則石爲之

靈臺

箋云天子有靈臺者所以觀祲象察氣之妖祥也疏云靈臺在國之西郊與辟廱同處○易乾鑿度云文王二十九年伐崇作靈臺○易是類謀云作靈臺受赤爵丹書○含神霧云作邑于豐起靈臺○禮含文嘉云天子靈臺所以觀天人之際察陰陽之會也揆星度之驗徵六氣之端應神明之變化睹因氣之所驗爲萬物獲福于無方之原招太極之清泉以與稼

穡之根天子得靈臺之則五車三柱明制可行水泉
川流無滯寒暑之灾禾盡豐穰○禮統云所以制
靈臺何以尊天重民備灾禦患也夏爲清臺何明明
相承太平相續故爲清臺殷爲神臺周爲靈臺何質
者具天而王天者稱神文者具地而王地者稱靈也
○援神契云靈臺考符居高顯聖王所以宣德察微
○五經通義云靈臺在于野中國之南附近辟雍積
土增高其高九仞極陽之數上平無屋望氣顯著○
春秋左傳云公既視朔而登觀臺以望而書雲物爲
備故也○說苑云積恩爲愛積愛爲仁積仁爲靈是

故文王始接民以仁而天下莫不仁焉三輔黃圖云
文王靈囿在長安縣西四十二里靈沼在長安西三
十里靈臺在長安西北四十里高二十丈周四百二
十步○三輔故事靈臺在豐水東○一統志靈臺在
西安府鄠縣東靈囿在鄠縣東三十里囿中有沼曰
靈沼○函史云自黃帝創受河圖始設靈臺立天神
地祇物類之官使羲和占日常儀占月車區占星氣
伶倫造律呂大撓作甲子隸首造筭數容成總六術
以考定氣運○白帖云夏曰清臺殷曰神臺周曰靈
臺○洪範傳天子立靈臺所以觀天文之變而候日

月其高九仞在國之北上以觀休祥之變○文選云
靈臺在明堂之右

囿

傳曰囿所以域養禽獸也天子百里諸侯四十里○
風俗通云囿者畜魚鱉之處也囿猶有也○說文云
囿苑有垣也一曰禽獸曰囿○白虎通云苑囿所以
在東方何苑囿養萬物者也東方所以生也○周禮
囿人掌囿遊之獸禁牧百獸祭祀喪紀賓客共其生
獸死獸之物○呂覽云昔聖王之爲苑囿園池也足
以觀望勞形而已○周語云藪有圃艸囿有林池所

言系卷三
以禦災也○淮南子云湯始作囿以奉宗廟橋鮮之
具○穀梁傳疏云徐邈何休皆曰天子囿方十里伯
方七里子男方五里未審何據○隋天文志云天苑
十六星在昴畢南天子之苑囿○管子云武王有靈
臺之囿而賢者進○名物疏云按明堂辟廱靈臺太
廟四者先儒多合爲一歷代紛爭皆不能決惟袁準
之論爲得文多不載文王靈臺當在鄠縣平涼府靈
臺縣又有靈臺相傳文王伐密後所作考諸緯書皆
云文王伐崇作靈臺不云伐密而作之也三輔黃圖
說臺囿沼異處或以鄭駁異義云同言靈者於臺下

爲圉沼疑黃圖所言爲謬不知文王之圉方七十里
據黃圖所說臺圉沼與長安相去里數不過十里卽
于圉中設爲臺沼亦何患於不容乎黃圖得其實矣

辟廱

附學制

箋云水旋丘如壁曰辟廱以節觀者疏云辟廱卽天
子太學也王制言太學在郊乃是殷制周制太學在
國太學雖在國而辟廱仍在郊○韓詩說云辟廱者
天子之學圓如壁壅之以水言辟取辟有德不言辟
水言辟廱者取其廱和也所以教天下春射秋饗尊
事三老五更在南方七里之內立明堂于中五經之

文所藏處蓋以茅葺取其潔清也○禮統曰辟靡圓如璧雍以水內如覆外如堰盤○三輔決錄云辟靡水四周于外象四海○白虎通云璧圓法天雍水象教化流行辟積也積道德也雍壅也壅殘賊也又外圓內方明德當圓行當方也○黃圖云文王辟靡在長安西北四十里○史記豐鎬有天子辟池索隱云卽周天子辟靡之地○辟雍泮宮非學名說文辟雍作辟靡解云辟墻也靡天子享宴辟靡也魯詩解云騶虞文王囿名也辟雍太王宮名也以說文魯詩之解觀之則與詩鎬京辟雍於樂辟雍之義皆合矣辟

雍爲天子學名泮宮爲諸侯學名自王制始有此說
王制者漢文帝時曲儒之筆也而可信乎孟子曰夏
曰校殷曰序周曰庠學則三代共之使天子之學曰
辟雍爲周之制則孟子固言之矣旣曰辟雍而頌云
于彼西雍考古圖又有胥雍則辟雍也西雍也胥雍
也皆爲宮名無疑也魯頌旣曰泮宮又曰泮水又曰
泮林則泮宮者泮水旁之宮泮林者泮水旁之林無
疑也魯有泮水故因水名以名宮即使魯之學在水
旁而名泮宮如王制之說當時天下百二十國之學
豈皆在泮水之旁乎而因名泮宮耶又觀宋胡致堂

云靈臺詩所謂於樂辟雍言鳥獸昆蟲各得其所鼓鐘虞業莫不均調于此所論之事惟鼓鍾而已於此所樂之德惟辟雍而已辟君也雍和也文王有聲所謂鎬京辟雍義亦若此而已且靈臺之詩敘臺池苑囿與民同樂故以矇瞍奏公終之胡爲勦入學校之可樂與鍾鼓諧韻而成文哉文王有聲止于繼武功作豐邑築城池建垣翰以成京師亦無緣遽及學校之役上章言皇王惟辟下章言鎬京辟雍則知辟之爲君無疑也泮水詩言魯侯戾止且曰于邁固疑非在國都之中且終篇意旨主于服淮夷故獻馘獻囚

出師征伐皆于泮宮烏知泮宮之爲學校也特取其
中匪怒伊教一句爲一篇之證則未矣王制起于漢
文時其失已久后世旣立太學又建辟雍若有兩太
學者尤可笑也○升庵集按通典言魯國有泗水縣
泮水出焉然後知泮乃魯水名僖公建宮于上因水
以名宮如楚之渚宮晉之虎祈也以泮水爲泮水泮
林亦爲泮林乎又莊子言歷代樂名黃帝有咸池堯
有大章禹有夏湯有濩文王有辟雍以辟雍爲天子
學亦非也詩言於論鼓鐘於樂辟雍亦無養才之意
莊子去古未遠當得其真漢儒因解泮水不得其義

言經義
故轉辟爲璧解以圓水按左氏晉侯濟自泝水泝果水名足證矣

○陳詳道禮書曰

四代之學虞則上庠下庠夏則東序西序商則右學左學周則東膠虞庠而周則又有辟雍成均瞽宗之名則上庠東序右學東膠大學也故國老於此養焉下庠西序左學虞庠小學也故庶老於此養焉記曰天子設四學蓋周制也周之辟雍則成均也東膠則東序也瞽宗則右學也蓋辟明也雍和也所以明和天下以其明之以法和之以道則曰辟雍以其成其虧均其過不及則曰成均以習射事則曰序以糾德行則曰膠以樂祖在焉則曰瞽宗以居右焉則曰右

學蓋周之事成均居中其左東序右瞽宗此大學也
虞庠在國之西郊則小學也夫諸侯之學小學在內
大學在外故王制言小學在公宮南之左大學在郊
以其選士由內以升于外然後達于京故也天子之
學小學居外大學居內故文王世子言凡語于郊然
後于成均取爵于上尊以其選士由外以升于內然
後達于朝故也明堂位米廩有虞氏之庠也庠者言
詳也于是焉習禮詳事也魯謂之米廩虞帝尚孝魯
以藏棗盛故名焉序次序王事也膠之言糾也糾收
學士也○陳潛室木鍾集曰古者公卿大夫之子弟

言終卷之
以至萬民之子生八歲而入小學教之以幼儀之事
十有五歲而入大學教之以成人之事此大小學之
所由建也其謂之國學者則以教公卿大夫士之子
弟卽大小學立于國中者其謂之鄉學者則以教萬
民之子弟卽大小學之立于鄉遂者其國學之制則
小學在公宮南之左大學在郊是也其鄉學之制則
所謂家有塾黨有庠者小學也遂有序者大學也其
學官之職則國學掌于大學正而大胥小胥以下其
屬也鄉學掌于卿大夫而州長黨正以下其屬也其
教掌之法在國學則樂德樂語樂舞其凡也在鄉學

則六德六行六藝其目也其論選之法在國學則小胥大胥先簡不帥教者以告于大樂正大樂正乃論其秀者以告于王而官之司馬曰進士是也其鄉學則卿大夫先簡不帥教者以告于司徒司徒興其賢者能者以禮賓之而獻其書于王曰選士是也其仕進之法則自國學出者徃徃爲王朝之官所謂適士是也其自鄉學出者大抵爲鄉遂之吏所謂庶士是也蓋古者貴賤之分明世家與編氓不無貴賤之分故自少而別異之而其仕進亦不容無二途然則士之起於編氓者其終不得仕于王朝乎蓋編氓之仕

進又固有二途也自鄉國而升于司徒則謂之選士是已命爲士矣然由是而仕者不過于鄉遂之吏其位之卑則但曰庶士其祿之薄則但曰代耕其禮之優則僅免鄉之徭役而司徒之征則不能免也故其願仕乎此者上之人不強也何者六鄉六遂之吏自比長而至于閭胥鄰長而至于里宰不啻以萬計安能悉官于司馬而祿之亦不過就補其民之秀異者而均之以代耕之祿其大者稍出于部伍而爲之長其小者還入于部伍而治其事正卿大夫所謂使民興賢出使長之使民興能入使治之是也如其不願

仕于此者則自司徒而復升之于國學曰俊然後
論選仕進之法一與國子弟等此其所以謂之二途
也○鄭注儀禮云周立四代之學于國合周家爲言
耳○鄉飲酒疏虞之庠周以爲鄉學夏之序周以爲
州黨之學夏序有室周州黨序無室○三禮義宗夏
學名序者次序先王之道而學之夏周貴在于國故
大學在東教國子弟使之長益東方陽位有生長之
道故貴在宮之左周又以夏序爲六遂之學夏殷謂
之秀士周禮謂之賢能○崔靈恩云學制有二一云
制與明堂同體五室四堂在一基之上四方堂則以

其方名學中央堂謂之太學一云凡立學之法有四
郊及國中在東郊曰東學竝方名之在國中謂之大
學故鄭注祭義曰周有四郊之虞庠○劉敞曰周立
四代之學者一處竝建四學辟雖居中北爲虞學東
爲夏學西爲殷學學羽于者就東序學禮者就瞽宗
學書者就虞庠辟雖惟天子養老及出師成謀受俘
大射等就焉又以虞庠建于鄉故鄉有庠以夏序建
于州故州有序以殷校建于黨故黨有校自黨以下
皆爲小學而非四代之制以教童子而已大學在郊
以其包四代之制故記禮者或指虞庠或指東序名

之○禮象曰辟雖居中其南爲成均北爲上庠東爲東序西爲瞽宗○蔡邕月令論清廟太廟明堂大學辟雖異名而同事謂明堂者天子太廟朝諸侯選造士于其中其制度生者乘其能而至死者論其功而祭故爲大教之宮而四學具焉取其宗祀之清則曰清廟取其正室之貌則曰太廟取其尊崇則曰太室取其堂則曰明堂取其四門之學則曰太學取其四面周水圓如璧則曰辟雖故曰異名而同事○王居明堂之禮又別陰陽門南門稱門西門稱闈故周官有門闈之學師氏教以三德守王門保氏教以六藝

守王闡然則師氏居東門南門保氏居西門北門知
掌教國子與易傳保傳王居明堂之禮參相發明爲
四學焉○易傳太初篇曰天子旦入東學晝入南學
夕入西學暮入北學在中央曰太學天子之所自學
也○大戴禮保傳篇曰帝入東學以貴仁入南學以
貴德入西學以貴義入北學以尊爵故曰爲大教之
宮而四學具焉○周禮有大司徒十二教與夫師氏
保氏大司樂大胥小胥之教王制則有樂正小胥大
胥小樂正大樂正之教學記則有小成大成大學之
教與夫七者教之大倫四者教之所由興六者教之

所由廢而四代學制虞則上庠下庠夏則東序西序
商則右學左學周則東膠虞庠辟廱之外又有成均
瞽宗之名先聖王之于教化詳矣○周制天子曰辟
廱王太子王子羣后之太子卿大夫元士之適子國
之俊選皆造焉學正崇四術立四教春秋教以禮樂
冬夏教以詩書師氏掌以媯詔王以三德教國子一
曰至德以爲道本二曰敏德以爲行本鄭玄曰至德
中和之德覆載含容者也敏德仁義順時者也三曰
孝德以知逆惡教以孝德使知逆惡不可爲也教三
行一曰孝行以親父母二曰友行以知賢良三曰順

行以事師長凡國之貴遊子弟學焉凡學必時春夏
學于戈秋冬學羽籥皆于東序春誦夏弦太師詔之
瞽宗秋學禮執禮者詔之冬讀書典書者詔之禮在
瞽宗書在上庠太學之禮雖詔于天子無北面所以
尊師也太學之教也時教必有正業古之教者家有
塾黨有庠術有序國有學比年入學中年考校一年
視離經辨志三年視敬業樂羣五年視博習親師七
年視論學取友謂之小成九年知類通達強立而不
返謂之大成夫然後足以化民易俗近者悅服而遠
者懷之此大學之道也王制修六禮以節民性明七

教以興民德齊八政以防民淫一道德以同俗養耆
老以致孝恤孤獨以逮不足上賢以崇德簡不肖以
紂惡命鄉簡不帥教者以告于王王命三公九卿大
夫元士皆入學不變王親視學不變命國之右鄉簡
不帥教者移之左命之左鄉簡不帥教者移之右如
初禮不變移之郊不變移之遂不變屏之遠方終身
不齒○周禮曰大司樂職掌成均之法以治建國之
學鄭注云成均五帝之學成均之法者其遺禮可法
也○又云保氏掌諫王惡而養國子以道乃教之六
藝一曰五禮二曰六樂三曰五射四曰五馭五曰六

言系樂志
書六曰九數鄭注云養國子以道者以師氏之德行
審論之而後教之以藝也○又云以樂舞教國子舞
雲門大卷大咸大磬大夏大濩大武○周制凡始立
學必釋奠于先聖先師及行事必以幣凡釋奠者必
有合也注云國無先聖先師則所釋奠者當與鄰國
合也有國故則不注故謂國有可爲先聖先師者若
唐虞有夔伯夷周有周公魯有孔子各自奠之不合
之也凡學春官釋奠于先師秋冬亦如之始立學者
既疊器用幣然後釋菜不舞不授器注釋奠則舞
則授器司馬之屬司兵司戈司盾祭祀授舞者兵也

乃退儐于東序一獻無介語可也天子視學大昕鼓
徵所以警衆也衆至然後天子至乃命有司行事興
秩節祭先師先聖焉有司卒事反命將出征受命于
祖受成于學出征執有罪反釋奠于學以訊馘告

壺

爾雅云宮中街

巷同

謂之壺孫炎曰巷舍間道也

廬旅

周禮凡賓客會同司役掌其道路之委積遺人凡國
野之道十里有廬廬有飲食三十里有宿宿有路室
路室有委五十里有市市有候館候館有積若今野

言經集卷之二十三
候徒有庠音訝也宿可止宿若今亭有室矣候館樓可
以觀望者也一市之間有一廬三宿

屋漏

爾雅云西北隅謂之屋漏孫炎曰當室之所白日光
所漏入舍人曰古者徹屋西北隅以炊浴浹者訖而
復之故謂之屋漏○箋云屋小帳也漏隱也禮祭于
奧既畢改設饌于西北隅而扉隱之處此祭之末也
疏云天官幕人職掌帷幕幄幃注云幕以布幄幃以
繒爲之幄在帷幕內則爲小帳室內亦有之屋漏者
正謂西北隅也言祭末時事者特牲禮尸諤之後云

佐食徹尸薦俎敦設于西北隅凡在南扉用筵納一尊佐食闔牖戶降是其事也禮記鄭注云祭成人始設奠于奧是謂陰厭尸饗後改饌于西北隅是謂陽厭若宗子爲殤惟有陰厭若庶子適殤宗子適殤惟有陽厭士有陰厭陽厭天子諸侯亦同惟上大夫無陽厭爲當日賓尸故也○名物疏按鄭之義以陽厭爲祭末之事助祭者至此易倦故以不愧戒之考之特牲禮陰厭尊有玄酒陽厭納一尊而已陰厭備鼎俎陽厭俎釋三個而已則非徒在祭末而其禮亦畧矣朱子云獨居於室不主祭言故道旃瑣言云不愧

屋漏猶曰不愧闇室然孔子云當室之白尊于東房是謂陽厭則屋漏非暗室矣此箋云扉隱之處蓋用儀禮扉用筵之文彼文又云佐食闔牖戶降則室內無人故彼注云改饌爲幽暗有司徹司宮闔牖戶注云或者神欲幽闇是也非以屋漏爲暗室也若詩取暗室之義則宜云不愧于奧不得云不愧于屋漏若欲從朱說者但謂室中雖虛尚當不愧于東北之隅理亦自通何必指明爲暗反孔子之說乎

明堂

蔡邕明堂論云太廟太室明堂太學辟雍名異而實

同袁準正論明堂宗廟太學禮之本物也事義不同
各有所爲而世之論者合以爲一取詩書放逸之文
經典相似之語推而致之考之人情失遠矣宗廟之
中人所致敬幽隱清淨鬼神所居而使衆學處焉饗
射其中人鬼湯瀆死生交錯俘囚截耳以干鬼神非
其禮也○魏書鍾繇傳明堂所以祀上帝靈臺所以
觀天文辟雍所以修禮樂太學所以集儒林高祿所
以祈休祥○原經歌拾遺明堂始自神農謂之天府
黃帝曰合室堯曰衢室舜曰總章夏曰世室商曰重
室周曰明堂公玉帶以爲一殿考工記以爲五室大

言解卷之三 宮室考三 四
戴以爲九室十三堂呂氏春秋以爲十二堂月令以
爲四堂十三室○月令明堂天子十二月聽政之所
春青陽夏明堂秋總章冬玄堂中央太廟太室四堂
各有左右中三室隨四時孟仲季分居之如孟春居
青陽之左箇東堂北偏仲春居青陽東堂中央之太
室季春居青陽之右箇東堂南偏是也餘倣此閏月
王居門○藝文類聚釋名曰明堂猶堂堂高明貌也
○禮記曰昔者周公朝諸侯于明堂之位天子負宸
南向而立○周書曰明堂方一百一十二尺室中方
六十尺牖高三尺門方十六尺○孝經援神契曰明

堂者天子布政之宮上圓下方八窻四達在國之陽
○淮南子曰古者明堂之制下之潤濕不能及也上
之霧露不能及也所以饗上帝禮鬼神示人知節也
○三輔黃圖曰明堂者明天道之堂也所以順四時
行月令宗祀先王祭五帝故謂之明堂辟雍圓如璧
雍以水異名同事其實一也○初學記尚書帝命臚
曰帝者承天立五府以尊天注曰天有五帝集居太
微降精以生聖人故帝者承天立帝之府是謂天府
○張衡東京賦曰乃營三宮布政頒常複廟重屋八
闔九房規天矩地授時須臾○周禮曰殷人四阿重

屋鄭玄注云四阿若今四柱也○黃帝曰合宮堯曰
衢室有虞氏曰總章夏后氏曰世室殷曰重屋周曰
明堂天子臨羣臣之路寢祭先王之太廟其制一也
廟廟之後別爲寢以藏祖宗之衣冠一作殷曰

戴記曰明堂者古有之也凡九室一室而
有四戶八牖三十六戶七十二牖以茅蓋屋上圓下
方明堂者所以明諸侯尊卑外水曰辟雍南蠻東夷
北狄西戎明堂月令赤綴戶也白綴牖也二九四七
五三六一八堂高三尺東西九筵南北七筵上圓下
方九室十二堂室四戶二牖其宮方三百步近郊三

一里又云堂方百四十四尺坤之策也屋圓徑三十六尺乾之策也太廟明堂方三十六丈通天屋徑九丈陰陽九六之變且圓蓋方載六九之道也八闔以象八卦九室以象九州十二宮應十二辰三十六戶七十二牖以四戶八牖乘九室之數也戶皆外設而不閉示天下不藏也通天屋高八十一尺黃鍾九九之數也二十八柱列于四方亦七宿之象也堂高三尺以應三統四鄉五色各象其行外博二十四丈以應節氣也○又載德云明堂辟廱一物周禮孝經說以明堂爲文王廟左傳魯僖五年旣視朝遂登

觀臺服氏云人君入太廟視朔天子曰靈臺諸侯曰
觀臺在明堂之中○玉藻云天子廟及路寢皆如明
堂之制○鄭氏以爲明堂辟廱太廟名異而實同制
云小學在公宮之左太學在郊卽云天子曰辟廱是
學不得與明堂同爲一物又天子宗廟在雉門之外
孝經緯云明堂在國之陽玉藻云聽朔于南門之外
是明堂與祖廟別處不得爲一蔡邕亦祖前說袁准
攻之矣○明堂之作其代未得而詳也按淮南子言
神農之世祀于明堂明堂有益四方至漢武帝時有
獻黃帝明堂圖者四面無壁中有一殿意其或始于

此也○白虎通云天子立明堂者所以通神靈感天地正四時出教化宗有德重有道顯有德褒有行者也明堂上圓下方八窗四闥布政之宮在國之陽上圓法天下方法地八窗象八風四闥象四時九室法九州十二坐法十二月三十六戶法三十六兩七十二牖法七十二風

廩

爾雅云廩廩音鎡也○說文云音廩音廩穀所以振入宗廟粢盛倉黃而取之也○周禮廩人掌九穀之數以待國之匪頒賙賜稍食以歲之上下數邦用以知

足否以詔穀用凡會同師役之事治糧食大祭祀共
接盛注云藏米曰廩廩人舍人倉人司祿官之長○
公羊傳云御廩粢盛之所委○孟子疏云倉有室曰
廩○釋名云廩矜也寶物可惜者投之其中也○天
文集曰廩星主倉○笺子曰倉廩實知禮節

基

箋云門塾之基疏云釋禮在門不在廟知基是門塾
之基謂廟門外西夾之堂基○釋官云門側之堂謂
之塾孫炎曰夾門堂也○儀禮圖云塾有內外士冠
注云西塾門外西堂是也○名物疏按此箋準特牲

爲禮之次但依其告濯具告充告潔之次耳彼特牲
是正祭主人先卽位于堂下宗人升自西階視壺濯
及豆籩反降東北面告濯具主人出復外位宗人視
牲告充舉鼎鴈告潔所謂堂者乃廟堂非門外西夾
之堂也故宗人升階而後告濯具也此所謂堂乃在
廟門外之旁與正祭異又特牲視濯視牲等事在祭
前一日此視濯等事卽在繹祭之日蓋天子繹以祭
之明日正祭日禮畢後不容復修諸禮壺濯牲鼎之
屬當于本日之早陳之而卽以本日視之也

泮宮

言系類之
傳云泮宮之水箋云泮之言半半水者蓋東西門以
南通水北無也天子諸侯宮異制因形然疏云魯有
四代之學其行禮之飲酒養老兵事之受成告克當
于周世之學在泮宮也○朱子曰說文曰泮宮諸侯
鄉射之宮西南爲水東北爲牆康成以爲東西門其
說不同○王制云天子命之教然後爲學小學在公
宮南之左大學在郊天子曰辟廱諸侯曰類宮注云
此大學小學殷制類音之言班所以班政教禮器云
魯人將有事于上帝必先有事于類宮注云類郊之
學詩所謂類宮疏云魯以小學爲類宮明堂位云米

廩有虞氏之庠也序夏后氏之序也瞽宗殷學也類
宮周學也○白虎通云諸侯曰類宮半于天子宮也
明尊卑有差所化少也半者象璜也獨南面禮儀之
方有水其餘壅之以垣○水經注靈光殿之東南卽
泮宮也在高門直北道西宮中有臺高八十丈臺南
水東西百步南北六十步臺西水南北四百步東西
六十步臺池咸結石爲之詩所謂思樂泮水也○一
統志泮水一名雩水源出曲阜縣治西南西流至兗
州府城東入泗水詩思樂泮水卽此魯泮宮池在曲
阜宣聖廟東南

楠

說文云椽榱也楠也椽音榱榱也秦謂之榱周謂之椽
魯謂之楠○釋名曰楠楠也其形細而疏楠也或謂
之椽椽傳也相傳次而布列也或謂之榱在楹旁下
列衰衰然垂也○莊二十四年刻桓宮楠穀梁云禮
天子之楠斲之礲之加審石焉諸侯之楠斲之礲之
大夫斲之士斲本刻楠非正也

宮室卷十三終